

Timor-Leste

Relatóriu Rai-nian kona ba Prátika Direitus Umanus - 2007
Fó-sai liu husi Sekretária Demokrasia, Direitus Umanus, no Trabalho
Marzu 6, 2008

Timor-Leste mak repúblika parlamentár-ida ho populasaun maizumenus 925,000. Nia parlamentu ulukliu mak forma liu husi asembleia konstituente nia membru na'in 88 ne'ebé hili iha eleisaun livre no justu ne'ebé NU mak tau-matan ba, iha tinan 2001. Gabinete ho nia membru 41 mak domina liu husi Partidu Fretilin, ne'ebé manán maiordade husi kadeira asembleia nian. Xanana Gusmão, eleita iha eleisaun livre no justu iha tinan 2002, mak presidente no ulun Estadu nian. Durante tinan nia laran, autoridade sivil sira laiha kontrolu efeitivu ba forsa seguransa sira. Iha serie konfliku mortíferu entre forsa defeza nasional (F-FDTL) no forsa militár, polisia no sivil disidente oinoin. Violénsia lubun-bo'ot no 'gang' nian iha capitál mak luan, no rezidente Dili rihun-sanulu ba sanulu mak sai deslokadu. Iha loron 26 fulan Maiu, tuir hahusuk governu nian, forsa Australianu-sira no tuir mai forsa-sira husi Nova Zelandia, Malázia, no Portugál, komesa tama no lori responsabilidade atu haree ba seguransa iha capitál ne'e. Prezidente Gusmão komesa ka'er kbi'it seguransa, no iha loron 27 fulan Junhu, Fretilin-sira nia sekretária-jerál, Mari Alkitiri, rezigna-an nudar primeiru ministru no tuir tiha semana rua tan mak troka ho Jose Ramos-Horta. Iha loron 25 fulan Agostu Misaun Integradi NU ba Timor-Leste (UNMIT) mak ka'er responsabilidade polisia ninian, maibé forsa militár internasional sira hela iha okos komandu konjuntu ne'ebé Australia mak lider.

Hanesan nota tiha ona iha Relatório Sekretária-Jerál nian kona ba Misaun Integradi Nub a Timor Leste (UNMIT) tinan agora nian, rai-ne'e mak hakotu eleisaun dalatolu ba prezidente no parlamentu iha fulan Junhu foin liubá, karakterizadu ho partisipasaun ema-vota hanesan 80 to'o iha 82 persentu (47 to'o iha 48 persentu husi feto-sira), ambiente seguransa jeralmente kalme no rezultadu ne'ebé partidu politiku hotu hotu simu, ho indikasaun katak progresu bo'ot mak halo tiha ba dialogu no rekonsiliaсаun liutiha krise Abril-Maiu 2006 nian. Nudar rezultadu husi eleisaun hirak ne'e, uluk Primeiru Ministru Jose Ramos-Horta mak sai Prezidente foun iha loron 20 fulan Maiu, tuir Xanana Gusmão, no Parlamentu foun ho membru na'in 65 foin inaugura iha loron 30 fulan Julhu, ho partidu hitu (7) husi total sanulu-resin-ha'at (14) hetan kadeira: Frente Revolucionaria de Timor-Leste Independente (FRETILIN), kadeira 21; Congresso Nacional de Reconstrucao de Timor-Leste (CNRT), kadeira 18; Associacao Sosiál Democratica Timorense/Partido Sosiál Democratico (ASDT/PSD), kadeira 11; Partido Democratico (PD), kadeira 8; Partido Unidade Nacional (PUN), kadeira 3; Partido Unidade Nacional Democratica da Resistencia Timorense (UNDERTIM), kadeira 2; nomos Klibur Oan Timor Asuwain/Partido Povo Timor (KOTA/PPT), kadeira 2.

Prosesu atu forma governu foun mak disputa tanba laiha partidu-ida ne'ebé manán kadeira maiordade absolutu. Partidu CNRT, ASDT/PSD, no PD sira forma tiha governu koalisaun Aliansa Maiordade Parlamentár (AMP) atubele halo kria opozisaun unifikasiado hasoru Fretilin. Rua hotu AMP no Fretilin halo interpretasaun ba artigu pertinente iha Konstituisaun nudar bu'at ne'ebé fó direitu ba sira rasik atubele hanaran Primeiru Ministru. Tuirmai, Prezidente Ramos-Horta hala'o serie konsultasaun entre sorin rua hotu sira, atubele fó ezijénsia ba sira atu konkorda simu Governu inklusivu. Iha loron 30 fulan Julhu, Parlamentu foun hili nia Prezidente rasik, ne'ebé partidu AMP sira mak hanaran. Iha loron 6 fulan Agostu, Prezidente Ramos-Horta konvida AMP sira atu forma Governu foun. Iha 8 Agostu, Prezidente CNRT Xanana Gusmão, proposta liu husi AMP sira, mak simu knar nudar Primeiru Ministru, hamutuk ho ministru 10

(inklui feto rua) no vice-ministru no sekretária Estadu 14. Iha 7 Agostu, Fretelin sira lasimu desizaun Presidente Ramos-Horta nian, no deklara governu foun hanesan ilegal no la tuir konstituisaun. Fretelin sira mos deklara katak sira sei taka sira nia partisipasaun iha Parlamentu nudar protesta-ida. Bu'at ne'e hamosu disturbânsia violentu iha fatin fatin iha Dili laran. Grupu labarik no joven sira tuda fatuk kona karreta, inklui karreta privadu, diplomátiku no NU nian. Tuirmai, Fretelin sira hala'o nafatin sira nia partisipasaun iha Parlamentu bainhira nafatin hateketan Governu AMP ninian hanesan la tuir konstituisaun.

Jeralmente governu sira respeita direitus umanus ninia sidadaun sira nian. Maske nune'e, violasaun tipu oinoin hasoru direitus umanus mak mosu iha Timor-Leste iha tinan 2007. Hirak ne'ebé todan liu mak mosu iha fulan Agostu liutiha violénsia hamosu iha Dili no distritu seluk tan sira. Utilizasaun forsa bo'ot liu no abuzu autoridade liu husi polisia sira mak sai problema-ida. Sektór justisa ne'ebé laiha efikásia no ho estafa menus, dalabarakliu la hafó ba sidadaun sira prosesu lolo'os, lalais no justu.

Konflitu internal hamosu rezultadu hanesan deslokasaun ba maizumenus ema na'in 150,000 iha tinan 2006, primáriu rezidente kapitál ninian. Tinan agora, número hirak ne'e tun fali ona ba maizumenus 100,000. Problema bo'ot hela nafatin oinsá atubele hetan solusaun hasoru asuntu IDP sira nian ne'ebé trades diretamente sai hanesan hanoin barak direitus umanus nian konaba saudé, seguransa, edukasaun no direitus feto no labarik sira nian.

Violénsia doméstika, violasaun seksual, no abuzu seksual mos mosu nudar problema bo'ot. Divizaun iha sosiedade bazeia ba afiliasaun politiku no orijín rejionál (loro-sa'e hasoru loro-monu) mak kontinuu atu hamosu nudar problema bo'ot durante tinan tomak, ho rezultadu hanesan diskriminasaun segregasaun no violénsia luan, liului iha kapitál.

RESPEITU BA DIREITUS UMANUS

Seksaun 1 Respeitu ba Integridade Ema nian, Inklui Liberdade Husi:

a. Privasaun Moris Arbitru ka La Tuir Lei

Durante tinan nia laran, forsa seguransa no atór seluk tan sira halo oho ema maizumenus na'in sia (9), ne'ebé marka redusaun husi 29 iha tinan ida foin liubá. Barak husi oho-ema hirak ne'e mak iha motivasaun politiku.

Violénsia sa'e bo'ot liu iha fulan Fevereiru nia ikus, Marzu nia oin, nomos iha fulan Agostu nia oin. Akontesimentu violénsia hirak ne'e serve atu fó-hanoin fali katak hela nafatin atmosférula metin ne'ebé bele hamosu violénsia iha kualkér momentu, ketahalobé eleisaun mak hala'o ho dame no rezultadu mak simu ho konkordânsia populár.

Iha Junhu 3, mosu kazu rua tiru mate iha distritu Vikeke iha laran programa kampanha eleisaun. Ida mak involve ofisiál PNTL ninian ne'ebé ka'er tiha, tuir prosesu legal, no simu senténsia tinan neen ba kastigu iha kadeia iha loron 17 fulan Agostu liu husi Tribunál Distritál Baucau.

Iha loron 10 fulan Agostu, tuir tiha presidente nia nuncio konaba governu foun, karreta tolú UNMIT nian la'o husi Baucau to'o iha Vikeke hetan ataka liu husi grupu ne'ebé taka dalam besik Fatumaca no tuda karreta sira ho fatuk no botir sunu mina-rai. Polisia UNMIT sira responde ho tiru dala balu liutiha rona tiru ba/mai atu fó seguransa ba karreta sira atubele sees husi fatin ataka. Karreta UNMIT ida ne'ebé labele sees mak sunu, maibé nén pesoál NU ida mak hetan kanek.

Laiha akontesimentu foun tan konaba kazu loron 6 fulan Janeiru, tinan 2006, iha ne'ebé ofisiál sira husi Unidade Patrulamentu Fronteira (UPF) hasoru mane na'in tolu hela ilegal iha sorin fronteira Timor-Leste nian, ne'ebé mak suspeitu membru milísia kontra-independénsia tinan 1999 nian ne'ebé uluk hela Indonézia. Iha laran troka tiru ne'ebé tuirmai, mane na'in tolu mak tiru mate, no iha alegasaun katak UPF sira uza forsa bo'ot liu nesesidade. Governu Indonézia mak halo protesta konaba oho-ema ne'e no husu atubele hamosu investigasaun konjuntu, ba ne'ebé Governu Timor-Leste (GTL) mos konkorda. To'o iha tinan nia ikus, laiha dezenvolvimentu tan ba kazu ida ne'e.

Governu foun Timor-Leste nian (GTL) sira deklara katak atubele rezolve lia Maior Alfredo Reinado no petisionáriu na'in 600 sira mak hela hanesan ida husi sira nia prioridade tolu, bo'ot liu hotu. Iha loron 16 fulan Agostu, Prezidente Ramos-Horta hasoru-mutu ho komandante disidente husi Polisia Militár Maior Alfredo Reinado atu diskute termu ba nia entrega-an voluntáriu ba autoridade justisa sira. Individual rua hot sira deklara sira nia pontu da vista katak lia ida ne'e tenke resolve ho dame no ho rezolusaun lolo'os ba Reinado no ema ne'ebé tuir nia, agora daudaun ema halai hela husi justisa no suspeita involve iha akontesimentu loron 23 fulan Maiu, tinan 2006, iha ne'ebé sira hasoru unidade F-FDTL ho rezultadu ema na'in lima mate, inklui ema sivíl ida-ida. Ofisiál polisia no ofisiál F-FDTL ida mak oho-mate iha akontesimentu rua ketak bainhira tama la'o tuir area konflitu nia laran.

Halo tuir Komisaun Inkéritu NU nian (KII), Reinado no nia grupu mak "hela suspeita razoável katak halo krimi hasoru moris no ema". Tarde iha fulan Julhu 2006, Reinado no nia ema balun mak ka'er prende tanba ofensa armamentu iha Dili laran no ka'er hein investigasaun konaba alegasaun oho-ema. Iha loron Agostu, 2006, grupu sira halai sees husi dadur-fatin, ho deklarasaun iha bu'at seluk tan nia leet katak períodu detensaun loron 30 mak hotu ona ladauk renova, nudar justifikasi saun ba sira nia halai sees laiha autorizasaun. Ladauk iha haka'as-an signifikativu atu buka tuir ka'er sira. Iha loron 19 fulan Junhu tinan agora, Prezidente Ramos-Horta kansela operasaun polisia no militár sira nian hotu ne'ebé ho objetivu atu ka'er Reinado, atu bele buka oinsá sir abele entrega-an tuir negosiasaun. To'o tinan nia ikus, komandante F-FDTL no governu sira mak tuir nafatin halo dialogu ho Reinado.

Iha fulan Setembru tinan agora, prosesu hahú hasoru militár F-FDTL sira ne'ebé sai suspeita iha akontesimentu loron 25 Maiu, 2006 tiru ofisiál polisia ne'ebé la lori armas, bainhira sira sai husi sira nia kuartél-jenerál iha okos akampanhamentu polisia NU no ofisiál militár sira hamutuk ho komandante F-FDTL nian. Ofisiál polisia na'in ualu mak konfirme hanesan mate nudar rezultadu husi ataka ida ne'e, no ema na'in 27 hetan kanek todan. Halo tuir KII nia relatório, lamenus liu fali ofisiál F-FDTL neen mak involve-an iha kazu tiru ne'e. Tribunál mak rona tiha ona husi testamunha sira. Ofisiál NU husi UNPOL no Ofisiál Ligasaun Militár mak bolu atu fó-sasin iha Tribunál. Bainhira komesa, NU lakohi fó autorizasaun ba sira atu fó-sasin maibé liutiha karta-ida husi juíz ba NU, rua hotu Nuno Anaia UNPOL no Fernando Reis Ofisiál Ligasaun Militár simu autorizasaun atubele fó-sasin iha Tribunál. Fernando Reis agora hela Portugal entaun ninia testamunha sei hala'o liu husi konferénsia video ne'ebé Banku Mundiál mak fasilita. Juíz ne'e husu ba prokuradór sira atu halo nia alegasaun ikus liu hotu iha loron 5 fulan Novemburu. Kazu ida ne'e mak lista atu hakotu to'o iha tinan nia ikus. Dialogu entre Reinado, petisionáriu sira no GTL mak hetan mediasaun liu husi Sentru ba Dialogu Umanitáriu no forsa knar ne'ebé inklui sekretária estadu sira ba defeza no seguransa, no Igreja Katólika.

Iha loron 25 fulan Maiu, iha Distritu Ermera membru husi lubun-bo'ot ida sona no oho-mate ofisiál UIR ida. Ofisiál ida ne'e mak halo parte iha akampanhamentu ba sekretária estadu rejionál. Lubun-bo'ot ne'e halo ensirkulamentu no ameasa partidu sira ne'e; ofisiál halo

negosiasaun ho lubun-bo'ot ne'ebá, halo dezarma no hasai sira nia jaketa antiperlu no komesa atu sai, maibé membru husi lubun-bo'ot ne'e dada ofisiál rua sira husi sira nia karreta no sona sira rua hotu. To'o iha tinan nia ikus prokuradór jerál identifika tiha suspeita 12 involve iha ataka ida ne'e. Ladauk iha progresu tan tuir kazu ida ne'e.

Iha loron 25 fulan Maiu 2006, ema na'in 6 mak oho-mate bainhira uma iha ne'ebé sira hela mak ataka no sunu liu husi lubun-bo'ot ida. Vítima sira hotu mak membru husi familia ida de'it, relata hanesan familia liu husi kabén ba ministru interior oras ne'ebá nian, no inklui labarik neen. 2006 nia KII mak labele identifika suspeita espesífiku ida maibé halo lista ema na'in 27 ne'ebé iha justifikasi saun atu halo investigasaun kle'an liu. To'o iha tinan nia ikus nén progresu liutan mak hatene konaba kazu ida ne'e.

Iha loron 25 fulan Maiu 2006, mane ida mak oho-mate iha Dili laran bainhira nia ka'er karreta hakat tuir obstakulu taka dalam ne'ebé halo liu husi funu-na'in independénsia uluk nian no nia ema ne'ebé hetan armas husi F-FDTL iha loron foin liubá. Bainhira ka'er fatin taka dalam, grupu sira ne'e tiru ba karreta rua, halo kauzu ema ne'e mate, nomos kanek-tiru rua. Iha fulan Julhu 2006 lider ba grupu ne'e entrega-an no hela ka'er iha detensaun hein prosesu Tribunál to'o iha fulan Janeiru 2007, bainhira Tribunál Distritu Dili mak fó ba nia liberdade ho kondisaun no fó ordem ba nia atu apresenta-an semana-semana ba estasaun polisia Hera. Kazu ida ne'e hela pendente.

Violénsia 'gang' no lubun-bo'ot mosu nudar problema bo'ot iha fulan Agostu tinan agora no hela moras bo'ot ida iha Dili beibeik to'o iha tinan nia ikus; violénsia ne'e halo kauzu ba kazu ema-mate balun. Iha kazu balu, vítima sira mak sai tarjet bazeia ba orijín jeográfiku loro-sa'e ka loro-monu ka afiliasaun politiku, maske nén kauzu klaru nén sponsor sira ba violénsia labele determina fasil. Konflitu entre grupu arte marsiál sira no organizasaun membru sira seluk tan aumenta iha laran alegasaun sobre motiva politiku iha kazu balun husi akontesimentu funu-malu hirak ne'e.

Ladauk akontese dezenvolvimentu liutan tuir kazu Colimau 2000 membru ida ne'ebé oho-mate iha distritu Bobonaro iha fulan Janeiru, 2005.

b. Lakon ema

Laiha relatório ida konaba lakon ema ho motivasaun politiku.

c. Tortura, Tratamentu ka Kastigu Seluk tan Kruél, Inumanu ka Degradeante (Hatun Ema nia Dignidade)

Lei halo bandu práтика hanesan ne'e, no governu jeralmente halo respeitu ba proibisaun kontra tortura; maibé, mosu insidente tratamento kruél ka hatun dignidade liu husi ofisiál polisia sira, abuzu hasoru ema sivíl sira iha laran konflitu doméstiku; nomos abuzu liu husi grupu vijilante no sosiál seluk tan.

Maioridade husi kesar abuzus direitus umanus hatama ba provedór involve polisia nomos kesar ida ne'ebé komún liu hotu mak uza forsa liu nesesidade. Gabinete Provedór simu kazu 66 konaba alegasaun violasaun direitus umanus, husi iha ne'ebé 16 mak taka tanba razaun estatutu, inklui laiha jurisdisaun, no hatama 23 hamutuk ho rekomendasau ba autoridade kompetente. Liutan, Provedór ne'e hatama kazu 12 konaba alegasaun abuzu autoridade ba PNTL iha fulan Julhu.

Liutan, organizasaun halo monitorizasaun ba direitus umanus halo nota katak iha mos kazu balu konaba forsa liu nesesidade ne'ebé liu husi forsa no polisia internasional sira. Kazu balun hanesan ne'e mak refere ba Provedór, maske nén alegasaun ida mak prova hasoru Força Seguransa Internasional to'o ohin loron.

Demora ka rekuza liu husi polisia atu investiga alegasaun estraga ka violénsia doméstica mak problema komún ida (haree ba seksaun 5).

Violénsia ‘gang’ no lubun, luan, mak problema bo’ot iha Dili iha fulan Agostu, maibé akontesimentu hirak ne'e mak hamenus tuir tinan nia ikun. Akontese insidente balu involve membru polisia nasional ka F-FDTL.

Iha loron 11 fulan Marzu, UNPOL sira relata katak grupu mane armada hatais ho farda F-FDTL mak ataka tama ba uma familia neen iha Dili laran, iha ne'ebé sira tiru adverténsia balu (kontra F-FDTL sira nia Regra Engajamento (RE), no sunu uma hirak ne'e. Investigasaun ida halo tuir to'o iha tinan nia ikus, seidauk halo determinasaun se karik ataka ne'e mak halo liu husi ema sivil sira hatais ho farda F-FDTL nian atu hafo'er naran forsa nian, ka liu husi membru militár sira rasik.

Iha loron 13 fulan Marzu, entre 6 no 10 membru F-FDTL mak involve iha akontesimentu hateke hetan hanesan bazeia ba vingansa iha laran ne'ebé uma balu besik hospital nasional mak halo laran estraga liutha tiru adverténsia balu, dalaidataan, kontra F-FDTL nia RE. Iha tinan nia ikus, seidauk halo determinasaun se karik ataka ida ne'e mak halo liu husi ema sivil sira hatais ho farda F-FDTL nian atu hafo'er naran forsa nian, ka liu husi membru militár sira rasik.

Iha loron 16 fulan Marzu, membru F-FDTL iha pozisaun metin (la la'o) iha Ministério Edukasaun ka'er ema maizumenus na'in 10 tanba hahalok hasoru ordem public. Sira ne'e mak entrega ba UNPOL, no lima mak hateke hetan hanesan ema baku sira. Ladauk halo rezolusaun konaba kazu ida ne'e.

Durante akontese violénsia iha fulan Agostu, maizumenus uma 200 mak sai tarjet no sunu iha distritu Baucau no Vikeke tuir razaun alegasaun politiku. ONG balu no observadór internasional sira halo nota katak violénsia ne'ebá mak direita ba ema hateke hetan hanesan RETILIN nia oponente (funu-maluk), maske laiha evidénsia atubele konfirme bu'at hanesan ne'e. Abuzu seluk tan inklui fatin para karreta pararevista ilegal mak halo atubele halo tarjet ema bazeia ba orijín étniku ka partisipasaun nudar membru iha grupu espesifiku; intimidasaun ba rezidente iha fatin IDP nian liu husi grupu ne'ebé halo operasaun iha laran no liur fatin nian; nomos ataka no intimidasaun ba komunidade no individual sira.

Iha tinan nia laran hetan alegasaun abuzu liu husi forsa halo dame internasional. Barak liu husi alegasaun hirak ne'e mak bele hateke hetan nudar parte ida iha haka'as-an ho motivasaun politiku atu hafo'er naran forsa internasional sira nian.

Laiha asaun administrative ka judicial ne'ebé konhesidu konaba kazu Janeiru 2005 polisia fronteira halo baku sidadaun Indonézia nian tanba hakat fronteira ilegal; kazu Marzu 2005 polisia baku mane rua no fetu ida prenda ka'er lahó surat kapturasaun iha Cailaco; kazu Junhu 2005 polisia baku no ameasa mane ida suspeita halo asalta ofisiál PNTL ida nia feen; ka kazu alegasaun abuzu polisia nian iha operasaun Julhu 2005 nia laran kontra Comite Popular de Defesa-Republica Democratica.

Laiha dezenvolvimentu iha kazu Julhu 2005 Kapitaun F-FDTL no membru polisia militár halo detensaun ba no baku mane ida ne'ebé involve-an iha kazu alegasaun asaltu hasoru kapitaun ne'e

Kondisaun Prizaun no Sentru Detensaun

Iha prizaun tolu ne'ebé governu mak hala'o, ho lokasaun iha Dili, Baucau no Gleno. Iha tinan nia laran forsa internasional mak hari'i fasilitade detensaun liutan iha Dili laran. Kondisaun prizaun jeralmente hasoru padraun internasional; maibé, fasilitade prizaun ne'ebé governu mak ka'er nia manutensaun mak ladún di'ak no hirak ne'e apresenta dezafiu nafatin ba sistema justisa. Nudar notadu iha Relatório ba Sekretaria Jerál konaba Nasaun Unidas nia Misaun Integrado iha Timor-Leste (UNMIT) tinan agora nian, progresu uitoan de'it mak halo liutiha ema halai sai husi Prizaun Becora ne'ebé mosu iha loron 30 Agostu, 2006 no loron 17, Fevereiro 2007, ketahalobé rekomendasau atu halo tuir medidas liu husi komisaun inkéritu sira ne'ebé hari'i liu husi Ministériu Justisa. Iha tinan nia ikus, governu nafatin laiha planu estratéjiku ba sistema koresaun, prosedimentu mak maizumenu 'ad-hoc', no estrutura manejamentu no ezevitivu hela nafatin fraku ka la eziste. UNMIT, UNDP no ajénsia NU seluk tan sira mak servisu atu proposta planu estratéjiku ida ba Ministru Justisa atu haree ba dezenvolvimentu longu prazu iha sistema koresaun.

Trabalhadór sosiál rua mak halo servisu (FT) atu haree ba nesesidade joventude, feto, ema idade bo'ot no ema moras mental. Prizaun hotu hotu hala'o operasaun iha ka besik atu iha kapasidade maximu durante tinan ida ne'e nia laran.

Forsa governu no internasional sira fó-fatin ba vizita prizaun liu husi Komite Internasional Cruz Vermelho nomos husi observadór direitus umanus independente. Provedór mos tama la'o atubele hala'o monitorizasaun besik atu loron loron iha Dili no halo observasaun katak " forsa internasional sira halo kooperasaun di'ak liu...fó-fatin ba asesu konfidensiál ba ema hela detensaun nomos hafó informasaun ho regularidade".

d. Detensaun ka Prende/Ka'er Arbitru

Lei ne'ebé iha halo bandu detensaun no ka'er prende arbitru; maibé, iha kazu balun iha laran ne'ebé provizaun hirak ne'e mak viola. Ema balu mak ka'er prende no hetan detensaun maibé ikus liu la hetan alegasaun halo krimi hasoru sira. Iha kazu barak bu'at ne'e mak esplika liu husi komprensaun sala tanba investigasaun ikus liu hatudu katak ema suspeita mak inosente, ka tanba laiha juíz ida disponivel atu hala'o revista detensaun ne'ebé rekizitu. Maske nune'e, iha sirkunstânsia kazu seluk tan iha sujetaun katak ofisiál reforsa lei mak halo detensaun ba ema sira ne'e nudar forma kastigu ida.

Knar Polisia no Aparatu Seguransa sira nian

Polisia nacionál mak halo husi maizumenu membru 3,300, inklui unidade espesializada sira. Liutiha konflitu mortal involve PNTL, F-FDTL, no forsa disidente sira iha fulan Maiu 2006, maizumenu polisia bazeia iha Dili na'in 1,200 ne'e, inklui polisia baibain no unidade espesializada sira, la funsiona tiha ona tuir nén kapasidade atubele reforsa lei ida nomos postu polisia besik hotu mak husik mamuk. Governu sira husu ba intervensaun internasional, no forsa militár no polisia internasional sira komesa tama mai iha loron 26 fulan Maiu, 2006 atu komesa lori responsabilidade ba seguransa iha Dili laran. Iha okos rezolusaun loron 25 fulan Agostu, NU sira nian, responsabilidade ba seguransa iha Dili laran mak transfere ba polisia NU, maibé forsa militár internasional ne'ebé hala'o operasaun ketak husi NU mos asiste hodi mantén seguransa.

Kada ida husi rai nia distritu 13 mak iha komandante distritu ne'ebé baibain halo relata ba komisáriu polisia nasional; iha tinan nia ikus, komandante distritu sira mak halo relata ba fali polisia NU nian ho kuartél-jenerál iha Dili. Iha oras ne'ebá, PNTL sira hela nafatin ho ekipamento ladauk nato'on no treinamento menus, no nune'e nia hela sujeitu ba alegasaun barabarak kredivél (bele tau fiar ba) konaba abuzu autoridade (haree ba seksaun 1.c.), ka'er sala armas, nomos korupsaun. Relatóriu KII 2006 nian halo nota katak divizaun iha laran PNTL mak halo a'at-liu tanba uluk ministru ninia asauns ne'ebé hamenus valór sistema ligasaun komando, tuir husi fó-sai ordem operasionál bazeia ba razaun pesoál ka politikamente partizanatu.

Iha tinan nia ikus, polisia NU sira kontinuu atu hala'o prosesu triajem atubele re-integra fali polisia bazeia iha Dili tama ba operasaun polisia sira nian. Husi loron 20 fulan Agostu, liu ema na'in 1, 247 husi ofisiál PNTL na'in 1, 258 estima, ne'ebé dezignadu ba Dili (inklui mos feto na'in 189) halo rejistru tiha ba triajem, no husi sira hirak ne'e, ema na'in 981 (feto na'in 168) pasa tiha ona triajem, hakotu ona treinamento re-integrashaun no komesa servisu tiha ona iha sorin polisia NU nian nudar polisia-treinu. Polisia balu la pasa prosesu triajem no hela suspende hatun husi servisu hein hela investigasaun liutan; oras ne'e na'in 56 (feto 3) presiza investigasaun liutan tanba alegasaun violasaun direitus umanus ka krimi; na'in 76 (feto laiha) ne'ebé hakotu inkérifu ba integridade mak refere ba panel avaliasaun atu halo desizaun konaba aptidaun; no na'in 44 (feto laiha) mak hetan sertifikasaun final liutiha halo kompletu satisfeitu programa ho mentór fulan neen. Ofisiál bazeia iha Dili restu sira mak nafatin halo tuir prosesu triajem. Iha distritu sira hotu, ofisiál PNTL na'in 1,804 husi na'in 1,949 halo rejistru ona ba no hela nafatin iha okos prosesu triajem. Iha loron 22 fulan Abríl, UNMIT sira fasilita sesaun treinamento direitus umanus ba komando PNTL senhor sira ho foku konaba hametin fali kontabilidade iha laran PNTL.

Iha tinan nia ikus iha 2006, hela konfuzuaun ruma nafatin konaba prosesu triajem tanba Ministériu Interiór sira mak mantén prosesu triajem ida ketak maibé tuir hanesan. Programa servisu haka'as-an mak hari'i iha 2007 iha laran ajénsia rua hotu atubele kordena prosesu rua hotu ne'e.

PNTL hela nafatin frajíl no ho nesesidade atu servisu hamutuk ho mentór sira husi UNMIT. Nivel ema-hira, ne'ebé pasa sertifikasaun final, foin hakat liu ba persentu 50, halenok fali nesesidade ba kontinuasaun programa mentorizasaun no supervisóna liu husi UNMIT. Liutan, knar polisia no seguransa hetan suporta liu husi Força Seguransa Internasional (FSI) na'in 1,000 resin husi Australia no Nova Zelandia. Atualmente, PNTL sira presiza nafatin suporta husi organizasaun hirak ne'e molok atu sira bele hala'o operasaun independente ho efikásia.

Falantil – Força Defesa Timor-Leste (F-FDTL) kontribui ba provizaun seguransa iha instalasaun xave Dili nian, nomos hala'o akampanhamentu okazionál ba eskolta umanitáriu. Iha okaziaun balu, F-FDTL sira halo tiru adverténsia nudar resposta ulukliu hanesan violasaun klaru ba regra engajamento ne'ebé presiza bolu uluk polisia (internasional ka doméstiku) bainhira akontese ameasa ba seguransa ruma. Maibé lider F-FDTL sira mak hela sensitiv bainhira hanoin-barak hirak ne'e mak diskute. GTL agora daudaun servisu ho UNMIT, FSI no komunidade internasional sira atubele dezenvolve poltika institusionál no enkuadramento apropriadu ba forsa militár ida iha ambiente tempu paz tuir husi Grupu Servisu Konjuntu Revista Sektór Seguransa, ho ukun kooperativu liu husi reprezentante senhor husi Ministériu Defeza no Seguransa, hamutuk ho UNMIT.

Ka'er-Prende no Detensaun

Lei rekere surat kapturasaun judisial atubele halo ka'er ka pararevista, mesak de'it iha sirkunstânsia exesionál; maibé provizaun ida ne'e dala barak mak viola. Falta prokuradór no juíz estremu no króniku iha kapítal nia liur, hamanas tan tanba krise, halo kontribui ba polisia sira nia inkapasidade atubele hola surat kapturasaun ne'ebé rekizitu.

Falta abilidade matenek no lian lokál liu husi pesoál polisia internasional halo kauzu ba kazu iha ne'ebé polisia sira falta atu informa detidu sira halo tuir tempu lolo'os konaba razaun tanba sá hetan detensaun, falta atu fó detidu sira asesu sedu ba assistência legal, ka falta atu fó hatene detidu sira nia familia konaba detensaun.

Regulamentu governu nian rekere audiénsia iha laran oras 72 liutiha prende atubele revista prende no detensaun nia estatus iha lei okos, nomos atu hafó direitu ba prosesu iha Tribunál lahó demora la justu. Durante audiénsia hirak ne'e nia laran, juíz ne'e bele mos halo determinasaun se karik suspeita tenke sai la'o livre tanba laiha evidénsia ka suspeita ne'e la hanoin hanesan risku halai sees husi justisa. Tanba falta magistradu, situaun ida ne'ebé sai a'at liutan tanba juíz internasional sira sai husi Timor-Leste antes ema atu troka sira mai tiha ona, suspeitu balu mak obriga atu hein hela kleur liu oras 72 atu hetan audiénsia. Maibé, halo tuir observadór direitus umanus sira, polisia sira komesa dalabarakliu atu fó fatin ba suspeitu atu sai liutiha oras 72 iha absénsia juíz ida atubele revista ninia detensaun. Iha area ne'ebé laiha magistradu ka iha ne'ebé autoridade sira falta dalan atubele transporte suspeitu sira ba audiénsia, situaun hanesan ida ne'e hela problema bo'ot liu no kontribui ba atmosférus laiha lei no impunidade.

Lei mak hafó ba asesu atu hetan reprezentasaun legal tuir faze hotu hotu prosedimentu, no provizaun oinoin eziste ne'ebé atu fornese defensór públigu ba suspeitu ki'ak. Maibé, iha mos falta estrema ba defensór públigu ho kualifikasiadaun, no mos ema suspeitu ki'ak barak depende ba advogadu sira ne'ebé organizasaun tulun legal mak fornese. Suspeitu balu ne'ebé hetan defensór públigu halo relata katak sira nunke haree sira nia advogadu, nomos iha hanoin barak katak iha kazu balu ne'ebé ho prioridade menus ne'ebé hela pendente tuir tempu indefinitivu bainhira suspeitu sira hela iha detensaun molok ba prosesu iha Tribunál.

Desizaun legal iha tinan 2003 liu husi Tribunál Rekursu katak detensaun hein atu ba prosesu iha Tribunál nia limita fulan neen ho rekizitu katak detensaun hotu hanesan ne'e tenke revista loron 30 ida idak, lalika aplika iha kazu involve krimi seriу; maibé, limitasaun tempu atu revista loron 30 ne'e mak la tuir iha kazu barak liu involve krimi menus liu, no maioridade populasaun prizaun nian mak halo husi detidu hein atu tuir prosesu.

e. Negasaun (Taka dalan ba) Prosesu iha Tribunál, Públigu no Justu

Lei hafó katak juíz sira sei hala'o sira nia kargu "independente no imparsial" lahó "influénsia ladún lo'os" no rekere prokuradór públigu sira atu completa sira nia kargu ho maneira imparsial. Provizaun hirak ne'e mak jeralmente respeita ho di'ak. Maibé, sistema judicial rai nia mak hasoru ámbitu dezafiu oinoin inklui hanoin-barak konaba imparsialidade orgaun judicial balu, falta pesoál kualifikasiadu severu, rejime lei kompleksu no multi-fonte, no faktu katak maioridade populasaun labele ko'alia lian Portugés, lian iha ne'ebé lei mak hakerek no tribunál sira halo operasaun. Iha mos hanesan maske nafatin sirkunstânsia normal, asesu ba justisa mak nota hanesan la'o ho restrisaun. Krise fulan Agostu 2006 ne'e halo impaktu aumenta krimi violentu jerál, halo todan ba sistema liutan. Sistema judisial mak funsiona to'o iha nível minimu.

Tinan ida liubá, komisaun NU rua ketak konklui katak prokuradór-jerál nia independénsia la suficiente no hateke-hetan nia kontabilidade constitutional ba presidente nudar rekizitu katak nia

“halo tuir politiku katak nia tenke tuir bu’at ikus-liu ne’e ho relasaun ba prosedimentu sira”. Avaliasaun ida ne’e mak hela válidu iha tinan 2007. Iha tinan ida ne’e nia laran, konsiderasaun politiku no seluk tan husi liur mak hatudu an hanesan halo influénsia ba prosedimentu no desizaun Prokuradór Públíku no Tribunál Rekursu sira rua hotu nian.

Sistema tribunál inklui tribunál distritu ha’at (Dili, Baucau, Suai no Oecussi) no Tribunál Rekursu ida iha Dili. Ministru Justisa mak responsavel ba administrasaun tribunál no prizaun nomos hafó reprezentasaun defeza. Prokuradór Jerál iha responsabilidade atu hahú akuzasaun no prosedimentu. To’o iha oras ne’ebé Tribunál Supremu mak hari’i halo tuir Konstituisaun, Tribunál Rekursu mak hela rai ida ne’e nia tribunál a’as liu hotu.

Estabelesementu instituisaun sector justisa nian, no rekrutamento no treinamento ba juíz, prokuradór, no defensór kualifikadu prova hela susar, no sistema judicial mak hela dependente ba pesoál internasionál okupa fatin juíz nian iha absénsia nasional Timor-oan sira kualifikadu. Maske pozisaun juíz probatóriu 11 ka 12 mak okupa liu husi Timor-oan sira iha tinan nia laran, juíz internasionál sira nafatin serve nudar juíz primáriu iha kazu hotu hotu involve senténsia potensiál tinan lima ka liu. Iha disturbânsia tan ba sistema judicial durante períodu krítiku, bainhira juíz no prokuradór internasionál sira mak sai servisu hotu ona, ladauk ho ema atu troka sira. Gabinete Defensór Públíku mak estafa liu husi defensór probatóriu nasional na’in hitu no defense públíku internasionál tolu. Advogadu privadu nafatin halo reprezenta maiordade alegadu sira iha tribunál distritál.

Iha fulan juíz, prokuradór no defensór públíku nasional na’in 27 sira graduata tiha ona husi Sentru Treinamento Legal ho suporta husi programa justisa UNDP nian depois mak simu knar liutiha treinamento fulan sanulu-resin-ualu. Grupu profisionál sira na’in 15 seluk tan mak tama ba Sentru iha fulan Janeiru 2007 atu tuir treinu tinan-ida. Agora daudaun, UNDP planu hela atu hafó treinamento avansadu ba juíz sira, hadi’ a foun fali matenek konaba lejislasaun foufoun ba magistradu sira, no treinamento ba eskritóriu tribunál nian sira. Maske progresu hirak ne’e, sistema judisial iha probabilidade sei hela dependente ba juíz no prokuradór internasionál sira.

Falta pesoál no asuntu administrative halo impaktu ba operasaun iha tribunál distritu Baucau, Oecussi no Suai, ne’ebé halo operasaun tuir períodu ladún regular tuir tinan tomak nia laran. Prosesu iha tribunál dalabarak mak hetan obstakulu tanba testamunha sira la tama tuir prosesu tanba falta notifikasiada lolo’os ka falta transporte.

Iha fulan Setembru nia oin, prosedimentu iha Tribunál Distritu Baucau mak suspende tanba lia ho relasaun ba estraga propriedade (inklui sunu uma/edifísiu) no abuzu ne’ebé mosu iha fulan Agostu maizumenus tuir tempu formasaun governu foun nian. Iha períodu ne’e nia laran, oráriu prosesu iha tribunál mak fó-sai ba parte sira hotu, maibé atór sira iha tribunál sira rasik labele hala’o audiénsia. Prosesu judicial mak hasoru obstakulu tanba estraga ba ativu tribunál nian balu. Lubun-bo’ot fuik ida halo sunu ida husi tribunál sira nia uma hotu, inklui kuartu enkontru no armazen, iha ne’ebé arkivu tribunál hotu nian hanesan evidénsia no rekorde desizaun mak rai hela.

Durasau prosesu iha tribunál iha fatin ida ne’e mak depende mak tipu kazu no nível kooperasaun entre parte sira. Kazu balu mak hela pendente husi 2004 no 2006. Demora hirak ne’e bele atribui ba faktu katak, tuir parte husi tempu ne’e, atór tribunál sira mak ladauk dezignadu ba servisu iha Distritu Baucau.

Falta prokuradór no estafa tékniku kualifikadu iha gabinete prokuradór jerál mak halo obstakulu ba servisu gabinete nian no halo rezultadu kazu barak ladauk prosesa. Problema aumenta tarde iha períodu krise Abríl-Maiu 2006, iha tempu laran ne'ebé gabinete nia arkivu, evidénsia forense, no komputadór hotu mak na'ok (iha disturbánsia sivil). Prokuradór probatóriu nasionál fila ba servisu iha tinan nia laran, maibé kazu sensitive ho relasaun ba krise mak ka'er iha liman prokuradór internasional sira. Iha prokuradór internasional neen no prokuradór nasionál na'in 12 (na'in sia hela probatóriu), inklui prokuradór jerál ida ne'e. Iha tinan nia ikus hela kazu barak ladauk prosesa barak iha nasaun tomak to'o iha kazu 2,500. Tempu ne'ebé han atu tuir to'o iha prosesu la'o mak iha variasaun bo'ot, ho balu demora tuir tinan balu no seluk tan sira hakotu tuir fulan balu de'it liu husi akuzasaun.

Prosedimentu Prosesu nian

Lei mak hafó direitu ba prosesu justu; maibé falta pesoál kualifikadu severu iha sistema nia laran tomak mak halo rezultadu katak mosu balu ne'ebé latuir prosedimentu legal hotu hotu. Prosesu sira mak mosu iha juíz nia oin. Regra ne'ebé hafó ba prosesu públiku iha kazu non-sensitivu (i.e. bainhira vítima nia privasidade iha krimi hanesan asaltu seksual mak la hela lia ida) mak ladún aplika ho konsisténsia. Advogadu sira mak hafó ba akuzadu ki'ak sira. Akuzadu sir abele hasoru testamunha opostu ba sira no mos bele apresenta testamunha no evidénsia. Akuzadu no sira nia advogadu iha asesu ba evidénsia iha governu nia liman. Akuzadu iha prezunsaun ba inosénsia nomos iha direitu atu buka rekursu iha tribunál nível a'as-liu.

Rejime legal mak kompleksu no la aplika ho konsisténsia. Pendente dezenvolvimentu ba jogu lei nasional ida kompletu, lei Indonézia no regulamentu transitóriu NU nian mak lori kbi'it nafatin. Konstituisaun estipula katak regulamentu NU nian hamate lei Indonézia nian; maibé, bu'at ne'e mak aplika lahó konsisténsia. Fó exemplu, iha 2004, desizaun ida Tribunál Rekursu nian deklara katak ordem ezekutivu NU nian ida ne'ebé halo kriminalizasaun ba defamasaun ladún kansela lei Indonézia nian ida, iha okos ne'ebé defamasaun mak halo kriminalizadu (haree ba seksaun 2. a.). Iha hanoin-barak ida mos katak desizaun hanesan ne'e bele hamenus valor presedénsia lei nian ne'ebé mak estipula iha laran konstituisaun. Bu'at seluk tanba ne'ebé mos hamosu hanoin-barak mak konfuzuaun konaba oinsá atubele aplika lei husi fonte oinoin, liului iha kazu krimi iha ne'ebé kodigu penal Indonézia nian hela nafatin lori kbi'it maibé prosedimentu mak ukun ona liu husi kodigu nasional prosedimentu kriminozu.

Tribunál Rekursu hala'o nia operasaun primáriu uza lian Portugés. Regulamentu NU nian, barak ne'ebé lori kbi'it nafatin, mak disponivel iha lian Ingles, Portugés, no Indonézia, nomos iha Tetum, lian ida ne'ebé mak ko'alía barak liu hotu iha rai-laran. Lei ne'ebé promulga liu husi parlamentu, ho intensaun atu troka lei Indonézia nian no Regulamentu NU nian, mak fó-sai iha lian Portugés, maibé maizumenus nunke disponivel iha lian Tetum. Litigante, sasin-na'in no akuzadu kriminozu sira dalabarak laiha kapasidade atubele de'it lee lei foufoun hirak ne'e. Prosedimentu iha rekizitu atu hala'o mesak de'it iha lian Portugés no Tetum. Maibé, kualidade tradusaun ne'ebé hafó iha tribunál iha variasaun luan, no tradusaun ba Tetum dalabarakliu mak sumáriu ladauk kompletu.

Hanesan iha tinan uluk liubá, hanoin-barak sira mak mosu bazeia ba falta provizaun protesaun ba vítima sira. Tinan agora nia Relatório ba Sekretária Jerál konaba Misaun Integrado NU nian iha Timor-Leste (MINUTL) identifika bu'at ne'e nudar ida husi sistema legal nia dezafiu bo'ot liu hotu. Iha krimi violentu barakliu, sasin-na'in sira mak lakohi fó sasin tanba potensiál bo'ot ba retribuisaun hasoru sira rasik ka sira nia familia. Nén lei nasional ida mak hafó ba protesaun sasin-na'in sira nian, no lei Indonézia nian ida konaba protesaun ba sasin-na'in sira mak la aplika.

Relatório konaba intimidasaun ba sasin-na'in no sasin-na'in lamosu atu tuir prosesu mak akontese dalabarak. Pesoál tribunál nian mos relata aumenta hanoin-barak liu ba sira nia seguransa rasik. Bu'at ne'e kontribui ba pontu da vista públiku sira nian luan katak krimi bele halo ho impunidade nomos katak vijilantizmu ka vingansa pesoál mak dalan mesak de'it ne'ebé disponivel atubele hasoru rezolve kontabilidade kriminozu.

Nasaun Unidas nia Komisaun Inkéritu (UNKI) mak hetan mandate hanesan resposta ida ba hahusuk husi governu atu "estabelese faktu no sirkunstânsia pertinente ba akontesimentu ne'ebé mosu iha loron 28 no 29 Abríl nomos loron 23, 24 no 25 fulan Maiu nomos atu relata akontesimentu ka asuntu hirak ne'ebé kontribui ba krise ida ne'e." Ninia relatório loron 17 fulan Outobru mak hafó narativu detalhadu kona ba akontesimentu, inklui avaliasaun ba responsabilidade individual no institusionál.

Tinan foin liubá nia relatório UNKI rekomenda foti prosesu hasoru individual na'in 60 resin tanba responsabilidade kriminozu iha akontesimentu Abríl no Maiu nian, inklui ofisiál polisia ne'ebé alegadu halo parte iha akontesimentu mortal; uluk Ministru Interior, Rogerio Lobato; ofisiál F-FDTL neen no ofisiál PNTL ida alegadu involve iha tiru polisia la lori armas iha Dili; lider ulun iha F-FDTL; no uluk ministru defeza. Liutan, nia rekomenda investigasaun kona ba ema nian 60 resin liutan tanba posivél involve iha krimi hirak ne'e. Nomos rekomenda atu foti prosesu hasoru mak ema sivil balu alegadu simu kilat ilegal ka hanesan involve iha akontesimentu mortal tarde iha fulan Maiu, nomos komandante polisia military disidente, alegadu involve iha konflitu mortal hamutuk ho F-FDTL iha fulan Maiu 2006. Iha individual sira nia leet ne'ebé rekomenda tenke iha investigasaun liutan mak uluk primeiru ministru, Mari Alkitiri, tanba possibilidade halo parte iha tranferénsia armamentu ilegal.

UNKI 2006 nian rekomenda katak kazu krimi ho relasaun ba akontesimentu Abríl no Maiu tenke trata iha laran sistema justisa doméstika, maibé ho knar signifikativu ba prokuradór no juíz internasional. Nia rekomenda katak atór internasional servisu iha laran gabinete prokuradór jerál nian tenke lori knar lider nian. Ba kazu hirak ne'ebé presiza panel juíz nian (kodigu prosedimentu kriminozu rekere panel juíz tolu ba krimi involve senténsia potensiál tinan lima ka liutan), relatório ida ne'e rekomenda katak panel sira ne'e mak halo husi juíz rua internasional no juíz ida nacionál.

Lobato hetan kastigu prizaun iha Marzu 2007 tuir akuzasaun fó armas ba grupu asaltu oho-ema durante krise 2006 no hetan senténsia tinan hitu ho balu iha prizaun. Maibé, iha fulan Agostu nia hetan liberdade atu ba hetan tratamento medika iha Malaysia.

Prosesu sira hahú Setembru foin liubá hasoru F-FDTL na'in hitu no PNTL na'in ida alegadu involve iha akontesimentu tiru hasoru polisia la lori armas. Prosesu ne'e la'o daudauk nafatin.

Komandante F-FDTL nunke hasoru akuzasaun hanesan rekomenda liu husi UNKI 2006.

Uluk ministru defeza nunke hasoru akuzasaun hanesan rekomenda liu husi UNKI 2006.

Prosesu hala'o tiha ona ba individual na'in 3 alegadu simu transferencia armamentu ilegal ka involve iha akontesimentu mortal durant krise nia laran, maibé, ida mak absolve husi akuzasaun hotu hotu, no rua seluk mak fó-sai livre ho kondisaun.

Iha loron 19 Junhu tinan agora, Prezidente Ramos Horta deside katak operasaun hotu polisia no militar sira nian ho objetivu atu kaptura Reinado tenke para atubele hahú dialogu entre nia ho

Governu atu buka halo kria kondisaun nesesita atu nia bele entrega-an ba autoridade sira hamutuk ho armamentu ruma iha nia liman. Iha tinan nia ikus, komandante F-FDTL no governu sira mak nafatin buka tuir dialogu ho Reinado (haree ba seksaun 1. a.).

Uluk primeiru ministru Mari Alkitiri mak absolve husi akuzasaun hotu bazeia ba falta evidénsia ba posivél partisipasaun iha tranferénsia armamentu ilegal iha krise nia laran.

Unidade Krimi Seriu (UKS) iha responsabilidade ba investigasaun no akuzasaun konaba krimi ne'ebé mosu iha 1999, inklui jenosidiu, krimi funu nian, krimi hasoru umanidade, oho-ema, ofeza seksual, no tortura. Hodi halo tuir rezoluzaun Konselhu Seguransa NU nian, UKS halopara nia investigasaun iha fulan Novembru 2004 no para besik hotu hotu nia operasaun seluk tan iha fulan Augsutu 2005. Iha momentu nia taka misaun, UKS ne'e mak hatama arkivu akuzasaun 95 hasoru ema nian 391. Husi hirak ne'e, 290 hela livre iha Indonézia ho oportunidade uitoan de'it atu halo fili fali mai atubele tuir prosesu hasoru sira. Iha tinan 2000 administrasaun transitoriu mos hari'i Panel Espesial ba Krimi Seriu iha laran tribunál distritu Dili atubele foti prosesu hasoru sira ne'ebé iha akuzasaun halo oho-ema barak dalaida no violasaun bo'ot ba direitus umanus ne'ebé halo iha 1999. Husi tempu sira nia suspensaun sesaun iha fulan Maiu 2005, panel espesial sira mak halo fó-sai ona konviksaun 84, absolusaun tolu (ida ne'ebé Tribunál Rekursu halo troka liutiha), no akuzasaun 13 halo despede. Iha fulan Junhu estudu akademiku ba prosesu krimi seriu halo kritika NU sira tanba fallha atu hametin liderasaun no nível estafa lolo'os tuir laran prosesu tomak no halo nota "kazu numeru signifikativu iha ne'ebé direitu alegadu sira nia mak hateke hetan nudar kompromisu tanba prosesu defeza no rekursu insuficiente severu nomos jurisprudensia imperfeitu."

Maske panel especial sira mak sesaun suspende, sir abele konstitui fali bainhira presiza bainhira sir abele hasoru rekizitu atu halo husi juíz rua internasionál no juíz ida lokál. Suspeitu krimi seriu balu ne'ebé ka'er iha 2005 hela iha detensaun hein hela atu ba prosesu tribunál.

Rezolusaun Konselhu Seguransa NU nia loron 25 Agostu, 2006 husu atu iha "provizaun ekipa pesoál investigativu ho esperiénsia, atubele lori funsaun investigative uluk Unidade Krimi Seriu sira nian, ho objetuiv atu hakotu investigasaun tama ba kazu violasaun direitus umanus seriu ne'ebé halo iha rai-laran iha tinan 1999." Observadór internasionál sira ho familiaridade ba prosesu krimi seriu sira, hato'o sira nia hanoin-barak katak hafó mesak de'it asisténsia ba investigasaun lahó inkluzaun asisténsia atu halo prosesa kazu foun sei hamosu progresu uitoan de'it halo kontabilidade ba krimi iha tinan 1999.

UKS ne'e halo servisu ka'er liman hamutuk ho Komisaun Rekonsiliaisaun no Lia-lo'os Timor-Leste (KRL). Bainhira UKS iha mandate atu investiga no hala'o prosesu krimi hasoru umanidade halo iha tinan 1999, KRL sira investiga violasaun direitus umanus ho seriu menus liu ne'ebé mosu entre Abril 1974 no Outobru 1999. KRL mos halo facilita rekonsiliaisaun entre vítima no suspeita sira ba violasaun hirak ne'e (haree ba seksaun 4). Prezidente apresenta relatório final KRL nian ba sekretária jerál NU nian iha loron 20 fulan Janeiru.

Tribunál Ad Hoc, bazeia iha Indonézia, falta la hetan kontabilidade ba krimi hasoru umanidade halo iha Timor-Leste iha tinan 1999. Iha Fevereiro 2005 Komisaun Matenek-Na'in dezignadu liu husi NU (KMN) atu halo avaliaisaun ba Tribunál Ad Hoc no UKS nomos halo rekomendasau konaba etapa atu tuir mai atubele hetan kontabilidade. KMN sira halo konkluzaun katak prosesu krimi seriu iha Timor-Leste mak halo ona "hametin nível kontabilidade notavél ba sira ne'ebé lori responsabilidade ba krimi ne'ebé halo iha 1999" maibé Tribunál Ad Hoc iha Indonézia mak hetan nudar "iha nia manifestasaun, insuficiente". KMN nia relatório rekomenda kontinuasaun ba

suporta NU nian ba prosesu krimi seriu iha Timor-Leste oinsá atu investigasaun, akuzasaun no prosedimentu ba suspeitu sir abele la'o ba oin (haree seksaun 4).

Iha tinan 2004 governu Indonézia no Timor-Leste halo konkorda atu forma orgaun bilateral, Komisaun Verdade no Amizade (KVA) atu hasoru resolve violasaun direitus umanus ne'ebé halo iha Timor-Leste iha tinan 1999 (haree ba seksaun 4). KVA mak inaugural iha fulan Agostu 2005. Relatório KMN halo kritika KVA sira nia termu referénsia nudar halo kontradicau ho padraun internasional ne'ebé halo bandu impunitude ba krimi hasoru umanidade. Maske KVA sira hasoru-mutu nafatin iha laran 2007, progresu atuál uitoan de'it mak hetan. Tinan ida liubá, KVA sira nia mandate mak prolonga to'o iha Agostu 2007, no prolongamentu ida tan mos hetan konsiderasaun. Maibé, KVA ne'e agora daudaun hetan to'o iha Janeiru 2008 atubele hatama nia relatório ikus liu hotu.

Ema-Dadur no Detidu Politiku

Laiha relatório konaba ema dadur ka detidu politiku.

Prosedimentu no Medidas Judisial Sivíl

Prosedimentu judicial sivíl sira hasoru beibeik problema hanesan ne'ebé hasoru iha sistema judicial nudar sistema tomak, inklui kazu barak liu kapasidade no rekursu atu prosesa, rejime legal kompleksu ne'ebé aplika lahó konsisténsia, nomos hanoin-barak konaba imparsialidade iha orgaun judicial balu. Influénsia politiku mak liului halo kona kazu sivíl sira ne'ebé involve haksesuk konaba komérsiu ka propriedade. Ordem tribunál nian iha kazu hanesan ikus ne'e nian hela seidauk implementa. Abuzu direitus umanus alegadu mak aprezenta ba gabinete prokuradór nian (see Seksau 4).

f. Interferénsia Arbitru ho Privasidade, Familia, Uma ka Korespondénsia

Lei halo bandu asaun hanesan iha leten ne'e, no governu jeralmente halo respeitu ba proibisaun iha práтика, maibé iha relatório balu konaba interferénsia arbitru ba uma no privasidade.

Iha kazu iha ne'ebé autoridade tama ba uma lahó autorizasaun judisial. Fó exemplu, iha laran períodu haka'as-an intensive liu husi forsa internasional atu rekobra armamentu ilegal, mosu relatório balu katak ofisíal military internasional tama ba uma ladauk hola surat kapturasaun. Ofisíal sira mantén katak iha kazu balu husi hirak ne'e, surat kapturasaun labele hola tanba tribunál sira la hala'o no iha kazu seluk tan sira hasoru nesesidade atu halo asaun tuir espedisau.

Lei tinan 2003 nian ida define propriedade ne'ebé governu mak nia na'in; no hetan kritika nudar la haree ba reklame privadu barak.

Númeru rezidente Dili barak tama nudar ema la'o rai internal husi tinan 1999 no okupa uma mamuk ka hari'i uma iha fatin mamuk. Maioridade propriedade iha Dili mak hateke hetan nudar propriedade estadu nian, no governu sira halo hasai ema iha tinan liubá husi rai ne'ebé identifika nudar propriedade estadu nian dalaruma ho tempu notifikasi uitoan nomos lahó prosesu lolo'os.

Seksaun 2 Respeitu ba Liberdade Sivíl, Inklui:

a. Liberdade Ko'alia no Media

Lei fó garantia ba liberdade ko'alia nomos ba media sira, no governu jeralmente respeita direitus hirak ne'e tuir praktika.

Individual sira jeralmente bele halo kritika governu lahó represalias, no ordem ezekutivu NU nian halo dekriminaliza defamasaun tiha ona. GTL halo progresu signifikativu tinan agora ho nén kazu ida relata konaba asaun hasoru direitus hirak ne'e, la hanesan iha tinan uluk liubá. Maibé, iha tinan 2004 Tribunál Rekursu sira deside katak ordem ezekutivu ida ne'e ladauk hakmate estatutu Indonézia nian ne'ebé define libel no defamasaun nudar ofensa kriminozu ho rezultadu katak estatutu defamasaun krimi Indonézia nian sei aplika nafatin (haree seksaun 1.e.).

Iha fulan Janeiru 2006, primeiru ministru momentu ne'ebá foti prosesu hasoru ulun bo'ot partidu opozisaun sira nian, halo akuzasaun defamasaun tanba komenta ne'ebé liga primeiru ministru ba korupsaun. Jornalista barak lakohi tuir investigasaun konaba tópiku sensitive tanba tauk represalias. Jornalista ida ne'ebé publiqua espoze raru ida kona ba korupsaun iha sede governu ida simu telephone ameasa liutiha ístoria nia publikasaun (haree seksaun 3).

Akontesimentu hirak ne'e la mosu iha tinan agora nia laran.

Iha jornál loron-loron, tolu; semanál, tolu no; balu tan ne'ebé mosu dalaruma la tuir oráriu-ida metin. Hotu hotu halo kritika governu no entidade politiku seluk tan iha sira nia redaksaun.

Notisias/informasaun ne'ebé fó-sai, liuliu radio, mak ida ne'ebé asesavél liu fali media notisia seluk tan iha rai-laran, maibé nia alkansa mak limitadu. Ema balu de'it iha kapítál nia liur hetan asesu beibeik ba kualkér forma notisias. Servisu Fó-Sai Públiku (SFSP) maka'er estasaun radio ida no estasaun televizaun ida. SFSP) nia servisu radio mak disponivel iha distritu 13 hotu hou. Liutan ba estasaun SFSP nian iha mos estasaun radio komunidade 18, inklui lamenus liu fali ida iha distritu ida idak. Maibé, mesak de'it balu halo operasaun independente (iha Los Palos, Baucau, no Dili), bainhira barak mak la hala'o operasaun tanba problema tékniku ka rekursus, no barak liu halo operasaun mesak de'it oras balu loron ida idak. Estasaun radio komunidade balu hafó konteúdo notisias/informasaun.

Liberdade Internet

Maske asesu ba Internet iha rai-laran mak limitadu, laiha restrisaun husi governu konaba asesu ba Internet ka relatório katak governu sira halo monitorizasaun ba email ka fatin ko'alia hamutuk iha Internet. Individual no grupu sira bele halo parte iha espresaun livre sira nia pontu da vista liu husi Internet, inklui mos email.

Liberdade Akadémiku no Atividade Kulturál

Governu jeralmente la halo restrisaun ba liberdade akadémiku; maibé, lei 2004 ida rekere katak peskizasaun tama ba lian Tetum no lian indijéniu seluk tan tenke iha aprovasaun liu husi Instituto Lian Nasional. Laiha relatório iha tinan nia laran katak lei ida ne'e mak uza atu prevene peskizasaun akadémiku ka atu halo kastigu peskizadór sira. Laiha mos relatório kona ba interferénsia ho atividades kulturál. Iha Outobru 2007, Primeiru Ministru hanaran Ambaixada Feto Ulukliu ba Edukasaun atubele haklakan governu sira nia promesu atu promove edukasaun iha nível hotu hotu iha sosiedade Timor-oan nian nomos atu hasoru resolve dezafiu husi analfabetizmu no falta asesu ba edukasauna.

b. Liberdade atu halo Asembleia no Asosiasaun ho Dame.

Konstituisaun hafó ba liberdade asemblajem no asosiasaun, no governu jeralmente fó respeitu ba direitu hirak ne'e.

Liberdade Asosiasaun

Iha relatório iha tinan nia laran konaba partidu politiku, liului, partidu opozisaun sira, prevene atu labele halo sa'e sira nia bandeira partidu, ka labele hala'o hasoru-mutu iha fatin ne'ebé identifika nudar fatin partidu seluk tan ninian. Akontesimentu hirak hanesan ne'e dalaruma mosu ho partisipasaun husi ofisíal governu lokál ka polisia sira.

c. Liberdade Relijiaun

Konstituisaun hafó ba liberdade religiaun, no governu jeralmente fó respeitu ba direitu ida nia tuir prática. Maioridade bo'ot liu hotu husi populasaun mak Katólika Roma, no Igreja Katólika sira mak instituisaun relijiosu dominante ida. Iha minoridade ki'ik Protestantu no Islam sira nian ne'ebé jeralmente hela integradu di'ak to'o iha sosiedade nia laran. Asuntu, inklui edukasaun religious iha curríkulu eskola nian, ne'ebé hamosu manifestasaun hasoru governu bo'ot organizadu liu husi ofisíal Igreja Katólika Roma iha Abril no Maiu 2005 la mosu fali iha tinan ida ne'e nia laran.

Abuzu Sosietal no Diskriminasaun

Iha capital nia liur, grupu relijiosu non-Katólika mak dalaruma hateke hetan ho suspeita. Iha tinan liubá iha relatório dalabalu ka ameasa ka asaltu hasoru misionáriu Protestante; maibé, laiha relatório kona ba akontesimentu hanesan ne'e iha tinan agora nia laran.

Laiha populasaun indijéniu Judéu, no laiha relatório konaba asaun anti-Semiticmu.

Ba diskusaun detalhadu liutan, haree ba [2007 International Religious Freedom Report](#).

d. Liberdade Movimentu iha Rai-Laran, Viajem ba Rai-liur, Emigrasaun no Repatriasaun

Lei hafó ba direitu hirak ne'e, no governu jeralmente halo respeitu ba sira tuir prática. Laiha manifestasaun bo'ot iha tinan ida ne'e nia laran. Maibé, iha kampanha bo'ot iha Dili laran no mos iha distritu hanesan Baucau no Maliana iha ne'ebé laiha restrisaun ba movimentu públíku.

Tuir tinan nia laran tomak, liului iha tempu Fevereiru-Marzu FSI sira buka komandante disidente F-FDTL nian Maior Polisia Militár Alfredo Reinado, no durante período eleisaun prezidensiál no parlamentár, iha akontesimentu barabarak iha ne'ebé grupu disidente, gang sira no grupu seluk tanba halo prevene liberdade movement. Durante tinan nia ikus, iha mos akontese dala barak pararevista fatin ilegal, provizóriu iha Dili, dalabarak ho dezenhu atu halo tarjet ema husi parte rai nian espesífiku ka membru sira husi grupu espesífiku ida. Tensaun entree ma husi parte loro-sa'e no parte loro-monu iha rai-laran halo ema barak atu sente katak sira laiha liberdade movimentu iha rai nia laran. Iha capital nia laran iha ne'ebé divizaun sosiál mak bo'ot liu hotu, are hela fatin balu sai esklusivu loro-sa'e ka loro-monu, no membru sira husi grupu ida la sente livre atu la'o ba ka hakat tuir laran grupu seluk tan nia fatin.

Lei halo proibisaun ba ezíliu obriga, no governu la uza ida ne'e.

Ema Deslokadu Internal sira (IDP Internally Displaced Persons)

Iha tinan nia ikus, maizumenus rezidente 100,000 (inklui feto no labarik feto na'in 49,000), hela nafatin deslokadu husi sira nia uma nudar resultadu krixe ne'ebé hahú iha Abril 2006 nia ikus. Halo IDP sira fila ba sira nia uma no hametin sira nia saudé, edukasaun no moris di'ak hela nafatin ida husi Timor-Leste nia dezafiu bo'ot liu hotu.

Orsamentu USD 102 Miliaun ne'ebé aprova liu husi parlamentu nasionál Outobru foin liubá aloka USD 2 miliaun atu hola tenda foun molok rai-udan atubele troka tuan sira ba rezidente IDP fatin sira. Fundu hirak ne'e mak programa atu uza iha fulan rua oin mai nia laran. Maibé, programa atu rezidente sira bele fila ba sira nia uma uluk nian ka uma foun sei hasoru obstakulu bo'ot tanba falta dezenvolvimentu ba lei propriedade no rai ne'ebé hametin direitu ba propriedade no seguransa hasoru reklame invasaun husi parte seluk tan sira, ka hasoru governu sira nia reklame ba propriedade ne'e.

Deslokasaun ulukliu nian hamosu hanesan resposta ida ba disturbânsia Abril 28, 2006 no resposta forsa seguransa nian. Iha Maiu nia oin, 2006, rezidente Dili rihun ba rihun halai sees husi sira nia uma bainhira rumores konaba konflitu troka tiru entre forsa seguransa no forsa disidente la'o ba mai. Iha Maiu nia ikus, loron balu konflitu armada mortíferu entre forsa regular no disidente nomos entre polisia no military sira halo kauzu ba aumenta deslokasaun populasaun sira nian. Violénsia lubun-bo'ot luan, dalabarak halo tarjet ba no obriga sai populasaun no individual sira ne'ebé hili, aumenta tan situasaun IDP sira nian. Destrusaun luan halo katak IDP barabarak laiha fatin atu ba fali. Okupasaun ilegal ba propriedade abandonadu tuir tempu no reklame ba rai no propriedade konflitu barabarak ladauk rezolve halo aumenta komplikasaun atu fila ba fatin (see seksaun 1.f.).

Bainhira grupu no nivel hotu hotu iha sosiedade mak reprezenta iha populasaun IDP sira nia, ema servisu umanitáriu halo observasaun katak proporsaun bo'ot liu make ma loro-sa'e. To'o iha tinan nia ikus IDP balu sira mak husik IDP fatin sira. Barak mak fila ba sira nia uma, maibé seluk tan barak ne'ebé laiha opsaun ida ne'e muda ba uma familia sira nian, ka iha kazu barak liutan fila ba sira nia uma distritu. Ladauk hatene to'o iha ne'ebé disturbânsia foin daudauk mak halo resultadu katak iha re-alokasaun permanente populasaun ninian iha rai-laran tomak. To'o iha tinan nia ikus IDP maizumenus 25,000 hela nafatin iha IDP fatin iha Dili laran no ema barak hanesan na'in 70,000 hela deslokadu iha distritu sira.

Governu sira servisu besik malu ho organizasaun umanitáriu internasional no doméstiku atu hafó assisténsia ba IDP sira rua hotu iha Dili nomos iha distritu sira. Governu sira nia resposta ulukliu ba nesesiadade umanitáriu, hala'o iha okos lideransa husi ministru uluk trabalhu nian, mak julga nudar ho efikásia no ho kordenasaun didi'ak. Maibé, tuir tempu ba oin, resposta sira nian la'o ho efikásia menus liu tanba partisipasaun liutan husi ministériu governu seluk tan sira no ajénsia NU nian ne'ebé foin tama ba fatin. Prosesu foti desizaun komesa la'o neineik no hetan obstakulu husi konsiderasaun politiku kompetitivu. Iha tinan nia ikus, iha hela hanoin-barak seguransa signifikativu bainhira IDP fatin problematiku hela metin iha fatin.

Maibé, governu uza osan liu USD 2 Miliaun husi USD \$102,000 orsamentu aprova tiha iha fulan Outobru atu hola no halo distribuisaun ba tenda foun atubele troka sira tuan no a'at ona iha fatin IDP sira nian iha rai tomak hanesan preparasaun ba rai-udan,

Provedór sira, ho parseria hamutuk ho Rede Monitorizasaun ba Direitus Umanus, hala'o monitorizasaun relasiona ba krise konaba direitus umanus iha fatin IDP sira nia iha fulan Junhu 2006. Rede ida ne'e la hetan aumentasaun signifikativu ida ba abuzu direitus umanus.

Dezafiu umanitáriu ne'ebé liga ba tempu hanaro'ok krise IDP sira nian sei hela nafatin lahó solusaun tempu badak. Solusaun eventual hela nafatin dependente ba estabilidade politiku no dialogu.

Protesaun ba Refujíadu sira

Lei sira fó fatin atu hafó asílu ka estatus refujíadu ba ema halo tuir Konvensaun NU nian 1951 relasiona ba Estatus Refujíadu sira nian no nia protokólu 1967, no governu hari'i tiha ona sistema ida atu hafó protesaun ba refujíadu sira. Halo tuir práтика, governu hafó protesaun hasoru refoulamentu, hanesan halo fila ema ba to'o iha rai iha ne'ebé sira hela tauk persigasaun.

Governu hafó estatus refujíadu ka asílu; maibé, iha hanoin-barak katak rai nia regulamentu ne'ebé ukun estatus asílu no refujíadu bele prejuíza refujíadu lolo'os atu labele prova sira nia elijibilidade ba estatus hanesan ne'e. Fó exemplu, ema ne'ebé hakarak aplika ba asílu iha mesak de'it oras 72 atubele halo liutiha sira tama ba rai laran. Nasional estranjeiru hela tiha ona iha rai, iha mesak de'it oras 72 atubele hahú prosesu liutiha situaun iha sira nia rai orijín mak sai perigosu liu ba sira atubele fila seguru. Advogado ba refujíadu sira no direitus umanus mantén katak limitasaun tempu hanesan ne'e la'o kontra konvensaun 1951 nian. Advogado sira ne'e mos hato'o sira nia hanoin-barak katak nén esplikasaun hakerek ida mak rekere bainhira aplikasaun ba asílu mak rekuza.

Laiha aplikasaun foun ba asílu iha tinan nia laran. Iha tinan nia ikus, hela kazu hitu pendente, ne'ebé hatama uluk iha tinan 2004, hein hela nafatin desizaun ikus liu hotu nian. Liutiha promulgasaun Lei Imigrasaun no Asílu 2003, governu simu responsabilidade husi Gabinete NU Komisaun A'as ba Refujíadu sira (GNUKAR) atu haree ba adjudikasaun reklame ba asílu. Tuir tinan nia laran, GNUKAR sira nafatin halo mentorizasaun ba ofisíal imigrasaun sira atu hametin katak aplikasaun asílu nian mak prosesa halo tuir matadalán tratadu nian. Governu hahú prosesu ida liu husi iha ne'ebé aplikasaun asílu sira hotu tenke hetan aprovasaun liu husi ministru interior. Rekititu ida ne'e tuir to'o halo demora sira.

Seksaun 3 Respeitu ba Direitu Politiku; Direitu Sidadaun sira nian atubele Troka Sira nia Governu

Lei hafó ba sidadaun sira direitu atu troka sira nia governu tuir dahan ho dame liu husi eleisaun periódiku sira.

Eleisaun sira no Partisipasaun Politiku

Iha tinan 2002, Xanana Gusmão mak inaugural nudar presidente uluklai, nomos, halo tuir konstituisaun, membru asembleia konstituente sira mak simu knar nudar parlamentu nasional ulukliu nian. Mari Alkitiri sai primeiru ministru ulukliu nian. Maibé, iha loron 27 fulan Junhu, 2006 iha okos presaun politiku maka'as, inklui alegasaun involve fahe kilat ba ema-sivíl sira, Alkitiri rezigna-an. Iha loron 10 fulan Julhu 2006, Jose Ramos Horta ne'ebé uluk ka'er fatin ministru negósiu no estranjeiru, mak simu knar nudar primeiru ministru. Tempu ne'e nia mos lori knar nudar ministru defeza, portafóliu ne'ebé nia simu bainhira ministru uluk ne'e rezigna-an iha fulan Maiu. Asembleia uluk membru 88, hili iha eleisaun jeralmente livre no justu iha 2001, mak lori kargu atu hakerek konstituisaun ida, ne'ebé hakotu iha 2002 no liutiha tama ba forsa iha

momentu hetan independénsia lolo'os. Observadór balu halo kritika ba provizaun konstitusional ne'ebé fó fatin ba asembleia konstituente atu automatikamente sai parlamentu no halo oráriu ba eleisaun parlamentár uluklai nian, foin tinan lima liutiha hetan independénsia. FRETILIN sira mak hetan kadeira 55 husi kadeira parlamentu total 88. Partidu sira ne'e lakon sira nia estatus nudar maiordade iha laran eleisaun bai-loron foin liubá nian, no agora daudaun hetan mesak de'it kadeira 21.

Iha tinan 2004 governu, ho manejamentu jerál liu husi autoridade eleisaun independente no ho asisténsia husi konselleiru NU sira mak hala'o tiha rejistrasaun ema-vota, no lista ema-vota ne'ebé rejistru ona mak fó-sai loke ba públiku sira atubele revista. Bazedadus ema-vota ne'ebé rezultadu ne'e mak uza ba eleisaun lokál sira iha tinan 2004-5 nomos iha eleisaun prezidensiál no parlamentár iha Abril-Junhu 2007.

Iha fulan Dezembru 2006, lei hirak ne'ebé ukun eleisaun nasional mak promulga. Lei hirak ne'e mak hateke hetan liu husi ema barak hanesan bu'at ne'ebé halenok uluk partidu ukun na'in (FRETILIN) nia preferénsia duke fali consensus luan nasional. Hanoin-barak mak hari'i konaba independénsia Sekretária Tékniku ba Administrasaun Eleisaun.

Iha eleisaun prezidensiál no parlamentár husi fulan Abril tuir to'o iha Junhu 2006, ho eleisaun jerál iha Abril no segunda ronde eleisaun iha Maiu ba ida uluk ne'e, ne'ebé ho rezultadu Primeiru Ministru Jose Ramos Horta hili nudar Presidente foun, no eleisaun parlamentár iha Junhu ne'ebé tuir to'o iha governu Fretilin sira nia maiordade nia ikus liutiha Presidente Ramos Horta hanaran uluk Presidente Xanana Gusmão nudar Primeiru Ministru foun. Hanesan nota tiha ona, violénsia hamosu iha Dili laran no distritu seluk tan liutiha anunsia konaba governu foun, maibé iha tinan nia ikus, situaun politiku mak metin fali no Fretilin fila ba partisipasaun kompletu iha parlamentu nasional liutiha "boycott" besik fulan ida nian nudar protesta hasoru bu'at ne'ebé sira hanaran governu ilegal no la konstitutionál lider husi AMP.

Agora daudaun iha feto 19 iha asembleia fatin 65 nian. Feto lori pozisaun tolu gabinete senhor ninian – Ministra Finansas, Ministra Justisa no Ministra Solidaridade Sosiál, pozisaun vice ministra ida no pozisaun sekretária estadu ida.

Rai Timor-Leste nia grupu minoridade étniku mak integra metin tama ba sosiedade nia laran. Númeru membro grupu nian ne'e iha parlamentu no pozisaun governu nian mak ladún hatene lolo'os.

Transparénsia no Korupsaun Governu nian

Iha tinan nia laran iha relatório kredivél konaba korupsaun iha instituisaun governu nian. Gabinete provedór halo tuir lei mak instituisaun ne'ebé ho simu kompeténsia atu sai lider ba atividade nasional anti-korupsaun nomos iha autoridade atu refere kazu sira ne'e ba prokuradór. Iha tinan nia laran, provedór ne'e investiga prosesu prokuramentu governu nian. Divizaun anti-korupsaun iha gabinete provedór nian halo investigasaun ba alegasaun korupsaun liu husi ofisial nível klaran maibé balu mos involve kazu nível senhor nian. Mosu nafatin relatório kredivél kona ba korupsaun ki'ik iha nasaun nia portu. Liutan, ofisial alfandega no fronteira mak suspeita fasilita kontrabandu mina-rai, tabaku no tua oinoin hakat fronteira husi Indonézia.

Iha tinan 2006, Gabinete Inspetór-Jerál, governu nia gabinete monitorizaun internal, hala'o tiha investigasaun tama ba kazu ualu konaba maladministrasaun ka korupsaun posivél iha tinan nia laran nomos hala'o audita rua. Maibé kazu hirak ne'e hela pendente.

Lei estipula katak lejislasaun hotu hotu, desizaun Tribunál Supremu, no desizaun ne’ebé orgaun governu nian halo tenke publika iha gazeta ofisíal governu nian. Se karik la publika sira hela nulu, la lori forsa ona. Regulamentu ne’ebé mos hafó ba asesu públiku ba prosedimentu no desizaun tribunál sira nian, nomos ba orsamentu no konta nasionál sira hotu. Tuir práтика, hela hanoin-barak katak asesu públiku ba informasaun mak iha restrisaun. Fó exemplu, gazeta ofisíal mak publika mesak de’it iha lian Portugues, maske rekizitu halo tuir lei katak tenke mos publika iha lian Tetum. Liutan, nia oráriu publikasaun ladún regular no folin tun sa’e halo katak mesak de’it jornalista balu, funzionáriu públiku, no ema seluk uitoan de’it hetan asesu baibain, ka hatene oinsá atubele hetan asesu.

Seksaun 4 Governu nia Atitude Konaba Investigasaun Internasional no Nongovernmental konaba Violasaun Direitus Umanus Alegadu

Variedade luan husi grupu direitus manus doméstiku no internasional jeralmente hala’o operasaun lahó restrisaun, halo investigasaun no publikasaun ba sira nia rezultadu konaba kazu direitus manus oinoin. Organizasaun Non-Governmental (ONG) sira halo parte ida ativu hodi asiste no fó konselhu ba dezenvolvimentu iha rai-laran, no ONG sira barak mak hari’i iha tinan balu foin liubá nia laran. Liutiha akontesimentu Abril no Maiu 2006, governu sira haruka hahusuk ida ba NU atubele hala’o inkéritu especial ida atubele hatene faktu no responsabilidade lolo’os ba krimi ne’ebé halo ona. NU nia KII mak hetan asesu tomak ba dokumentu no ema hotu hotu, ne’ebé pertinente atubele hala’o ninia inkéritu. ONG nasional no internasional sira balu, ho kordenasaun ho provedór sira, halo monitorizasaun ba asuntu direitus manus iha IDP sira nia fatin , ne’ebé mosu nudar rezultadu ida husi krise.

Halo tuir Lei Imigrasaun no Asílu 2003 ne’ebé hela kontraversu, ema estranjeiru sira mak iha proibisaun atu labele halo parte iha atividade politiku. Provizaun ida ne’e bele esklui estranjeiru no ONG internasional sira labele asiste uniaun trabalhadór nian ka labele hala’o projeto ne’ebé promove dezenvolvimentu ba sosiedade sivil., no bele mos fó fatin ba governu atu halo restrisaun ba ema la’os sidadaun atu labele halo monitorizasaun ba sistema judisial ka kriminal. Maibé, to’o ohin loron, lei ne’e nia provizaun seidauk aplika tuir dalan hanesan ne’e.

Iha fulan Marzu 2006, Gabinete Provedór ba Direitus Umanus no Justisa (hari’i iha 2004), hahú nia servisu ofisíal. Provedór ida ne’e sai responsavel ba promosaun direitus manus, padraun anti-korupsaun no ukun (governasaun) di’ak, nomos nia iha kbi’it atubele investiga kazu, tau-matan ba observasaun direitus manus, no halo rekomendasauun ba autoridade pertinente sira. Iha tinan nia ikus, gabinete Provedór sira nian mak simu kazu 66 konaba alegasaun violasaun direitus manus, husi iha ne’ebé 16 mak taka tanba razaun tuir estatutu lei, inklui falta juridisauun, no 23 mak hatama ho rekomendasauun ba autoridade kompetente sira. Liutan, Provedór ne’e mak hatama kazu 12 konaba abuzu autoridade ba PNTL iha fulan Julhu. Gabinete Provedór mak iha lokasaun iha Dili laran no la’o hoabilidade limitadu atubele hala’o servisu hato’o liman ka atividade seluk tan iha distritu sira,

Iha fulan Abril 2006, uluk GTL halo dezignasaun ba “Komisaun Ema Notavél”, ho ukun liu husi ministru administrasaun estadu, atubele halo investigasaun reklame husi maizumenus militár despede involuntary na’in 600 hatene hanesan “petisionáriu-sira” (haree ba seksaun 6. b.). Liutiha fulan ba lahó asaun, primeiru ministru mak fó limitasaun tempu ba komisaun hanesan loron 30 fulan Outobru, maibé to’o iha tinan nia ikus, komisaun ne’e seidauk anunsia nia konkluzaun. Governu rasik komesa halo distribuisaun subsídu ba petisionáriu sira iha fulan Dezembru 2006. Komisaun Ema Notavél sira hakotu ninia relatóriu iha tinan agora nia laran no hatama tiha ona ba GTL.

KRL (CAVR) ne'e, ne'ebé simu kargu atu halo inkéritu ba violasaun direitus umanus ne'ebé mosu entre Abril 1974 no Outobru 1999, apresenta nia relatório ikus liu ba presidente iha Outobru 2005, depois ba Parlamentu fulan ida tan ba oin. Relatório ida ne'e fahe tiha ona liu husi ONG sira, maibé to'o ohin loron, né'n distribuisaun públiku ida mak mosu iha rai-laran (see seksaun 1. e.).

Komisaun Matenek Na'in dezignadu liu husi NU sira atu avalia prosedimentu iha Indonézia no Timor-Leste no halo rekomendasau ba etapa ba oin atubele hetan kontabilidade ba violasaun direitus umanus halo iha tinan 1999 halo konkluzaun katak prosesu krimi seriу iha Timor-Leste halo "hametin nível kontabilidade notavél ba sira ne'ebé hela responsavel ba krimi ne'ebé halo iha 1999" maibé katak Tribunál Ad Hoc iha Indonézia mak "manifesta-an hanesan insufisiente".

Governu Indonézia no Timor-Leste sira nia bilateral Komisaun Verdade no Amizade, inaugura iha Agosto 2005, atu rezolve violasaun direitus umanus ne'ebé halo iha Timor-Leste iha 1999 (haree ba seksaun 1.e.). Relatório KII halo kritika ba termu referénsia KVA nian nudar halo kontradisaun ba padraun internasional ne'ebé halo bandu impunitade ba krimi hasoru umanidade. KVA hela bazeia iha Bali no halo enkontru balu iha tinan ida nia laran. Nia mandate tinan ida mak aumenta ona tinan ida tan. Observadór sira nota progresu la'o neineik to'o agora no ema barak halo konkluzaun katak nia sei labele hamosu rezultadu ida substantivu.

Seksaun 5 Diskriminasaun, Abuzu Sosietal, no Trafigu Ema

Regulamentu governu halo bandu forma diskriminasaun hotu hotu. Ketahalobé ida ne'e, violénsia hasoru feto hela nafatin problema ida, no diskriminasaun hasoru feto, ema ho defisiensia, no membru grupu minoridade mosu nafatin mos.

Feto

Violénsia doméstica hasoru feto hela problema signifikativu no dalabarak sai aumenta tanba autoridade sira laiha vontade atu responde agresivu. Autoridade barak hateke hetan bu'at ne'e hanesan asuntu familia sira nian duke fali asuntu kriminozu, no vítima sira iha okos presaun atu rezolve kazu iha familia nia laran, dalabarak lakohi halo relata abuzu. Iha kazu barak falta rekursu mak elementu ida ne'ebé kontribui ba absénsia asaun ofisial no falta investigasaun ka prosesa kazu ne'ebé involve violénsia hasoru feto sira. Polisia sira liuliu mak responde neineik lakohi buka tuir kazu iha ne'ebé ema alegadu mak ema-bo'ot. Polisia sira mos dalaruma simu presaun husi membru komunidade atu taka matan ba kazu violénsia doméstiku ka abuzu seksual.

Maske estrange hela krimi ida, falta investigasaun ka lori prosesu hasoru ema iha kazu alegasaun estraga no abuzu seksual mak komún no hasoru mos demora kleur. Fó exemplu, iha fulan Julhu 2006, polisia iha Suai haruka relatório investigasaun ida ba prokuradór sira konaba asaltu seksual ne'ebé mosu tiha ona iha fulan ne'e nia oin; maibé, ladauk iha dezenvolvimentu tan iha kazu ida ne'e. Estraga la'en-fein iha okos lei Indonézia ne'ebé aplika hateke hetan hela hanesan la'os krimi ida.

Kazu violénsia doméstica no krimi seksual mak jeralmente ka'er liu husi PNTL sira nia Unidade Ema Vulnerável sira (UEV). Organizaun feto sira nia halo avaliasaun ba UEV sira nia servisu nudar variavél, ho balu halo tuir kazu to'o hotu bainhira seluk tan sira prefere atu la'o ba oin tuir husi mediasaun ka trata nudar asuntu familia laran nian. UEV nasional no distritu Dili halo para sira nia servisu iha fulan Maiu 2006 nudar rezultadu ida husi krise. Iha fulan Novemburu 2006 servisu UEV nasional hahú fali iha okos misaun polisia NU nian, maibé iha tinan nia ikus iha

2007, UEV distritu Dili mak nafatin ladún hala'o operasaun. Organizasaun advokasia halo nota katak UEV Dili nian uluk ka'er kazu barak no nia absénsia mak reprezenta redusaun signifikativu ba rekursu reforsa lei iha area ida ne'e. UEV distritu seluk tan sira la'o ba oin nafatin maibé ho restrisaun severu tanba falta suporta no rekursus.

Regulamentu governu nian halo bandu ema atu labele organiza prostituisaun, maibé, iha okos Tribunál Rekursu nia interpretasaun ba lei Indonézia, prostituisaun mak la'os bu'at ilegál. Ketahalobé ida ne'e iha tinan liubá, iha relatório konaba feto sira prende ka'er halo prostituisaun.

Iha tinan 2004 ONG ida hala'o tiha estudu ida konaba prostituisaun no trafigu ema no halo estimasaun katak iha ema servisu seksu na'in 358 iha capital, husi iha ne'ebé maizumenus 115 iha possibilidade katak sira mak vítima ba trafigu. Tarde liu iha tinan nia laran, hanoin-barak aumenta katak rai mak sai tarjet ida nudar fonte ba trafigu; suspeita sira mak ka'er no iha tinan nia ikus, investigasaun ida la'o ba oin (haree ba seksaun 5, Trafigu). Vice Prokuradór Jerál halo parte iha tinan nia laran ho Programa Vizitante Internasional (PVI) ho foku konaba konsiencializasaun no halo kombate trafigu umanu. Nia relata katak nia gabinete sei hahú tiha ona kampanha edukasaun ida atu guarda hasoru promosaun, patronizasaun no deskulpa trafigu umanu.

Laiha lei ne'ebé halo bandu persegisau seksual, no persigasaun seksual mak relata hanesan problema luan liuliu iha laran ministru governu balu no polisia.

Laiha relatório konaba diskriminasaun empregamentu bazeia ba jenéru; maibé, feto beibeik fó fatin ba mane sira bainhira oportunidade mosu ba servisu iha nível suko no aldeia.

Prática kustomáriu hela metin nafatin ne'ebé hamosu diskriminasaun hasoru feto sira. Fó exemplu iha rejiaun no suku balu iha ne'ebé prática tradisionál sira mak metin nafatin, feto labele sai na'in ba propriedade no labele simu propriedade husi inan-aman sira.

Governu foun halo kria pozisaun Sekretária Estadu ba Promosaun Asuntu Igualidade, agora daudaun okupa liu husi feto ida. Unidade asuntu jenéru ne'ebé NU sira mak kria hala'o nafatin nia servisu nudar Gabinete ba Promosaun Igualidade (GPI) iha laran gabinete primeiru ministru nian. Unidade ida ne'e servisu hamutuk ho ministériu no departamentu governu nia atu promove igualidade jenéru no halo kordenasaun atividades atu hamenus violénsia bazeia ba jenéru. Atividade balu husi GPI; inklui kordenasaun ba treinamento konaba violénsia bazeia ba jenéru ba polisia sira, para kedes liutiha krise iha Abril 2006 tanba gabinete ne'e nia atensaun muda ba asuntu relasiona ba IDP sira.

Organizasaun feto sira nia oferta asisténsia ba feto vítima ba violénsia inklui fó mahon ba vítima violénsia doméstika no incestu; hakmatek fatin iha hospital nasional ba vítima asaltu seksual no violénsia doméstika; no akampanhamentu ba prosesu judisial. Organizasaun sira ne'ebé halo monitorizasaun ba direitu feto no umanu forma komite ida atubele tau-matan ba violénsia hasoru feto iha fatin IDP nian nomos atu fó treinu ba manejadór fatin ninian atubele identifika no buka tuir kazu hanesan ne'e.

Labarik

Konstituisaun estipula katak edukasaun primáriu tenke obrigatoriu no livre; maibé, nén lejislasaun ida mak adopta ne'ebé estabelese nível minimu edukasaun ne'ebé atu hafó, nén sistema ida mak estabelese atu hametin provizaun edukasaun livre. Halo tuir estatistik NU nian,

maizumenus persentu 20 husi labarik idade eskola iha NASAUN NIA LARAN ladauk tau naran ba eskola; rezultadu ba area rural mak a'at liu kompara ho rezultadu husi area sidade nian.

Direitu feto no labarik sira, nomos violénsia bazeia ba jenéru, nafatin hela asuntu bo'ot.

Estudante barabarak ne'ebé hela iha nafatin IDP nian tau-naran tama ba eskola besik sira nia IDP fatin. Maibé, iha populasaun bo'ot idade atu ba eskola ne'ebé la halo tuir. Edukasaun bazeia iha IDP fatin labele hafó iha fatin balu tanba fatin nia manejamentu no restrisaun ba fatin ne'ebé disponivel.

Iha tinan nia ikus, rezultadu seidauk fó-sai husi peskizasaun NASAUN TOMAK ne'ebé hala'o iha fulan Novemburu no Dezembru 2006 ba estudante no professor sira nia absénsia atubele hadi'a foun-fali dadus edukasaun nomos atubele avalia impaktu husi krise tinan foin liubá nian.

Fasilidade servisu saudé a'at tuir rai-laran tomak halo kontribui ba nivel labarik-oan no labarik idade menus tinan lima nia mate. Kauzu maior ba mate iha labarik sira nia leet mak kombinasaan moras infeksaun, nutrisaun a'at beibeik no parazita (ular-kabun). Nivel badak vasinasaan hasoru moras komunikavél mak hela problema seriу. Imunizasaun ba labarik menus liu idade tinan ida mak aumenta husi persentu 55 iha 2005 to'o iha persentu 62 iha tinan ida ne'e nia laran.

Kampanha emerjénsia moras sarampo ne'ebé hala'o iha fatin IDP nian no komunidade besik sira, hato'o liman ba labarik na'in 168,840 husi idade fulan neen to iha tinan 15. Halo tuir estimasaun liu husi NU nia ajénsia, persentu 46 ba 56 husi labarik sira menus liu idade tinan lima iha isin todan la to'o.

Violénsia doméstika, inklui violénsia hasoru labarik no asaltu seksual ba labarik, mak hela problem signifikativu. Esplorasaun seksual komérsiu mosu involve ema minoridade sira. Kodigu penal Indonézia nian, ne'ebé lori kbi'it hein hela promulgasaun kodigu penal nasional, mak ambisiosu konaba estraga tuir estatutu, halo espesifikasiasaun katak hela krimi atu halo relasaun seksual ho ema ne'ebé seidauk hetan idade atubele halo konkordânsia atu kabén. Idade ne'e mak define nudar tinan 15 iha kodigu sivil Indonézia nian.

Nudar rezultadu husi deslokasaun nafatin ba to'o iha ema nian 100,000 resin, labarik rihun ba rihun mak hela loke ba risku. Kapasidade estadu, komunidade, no familia sira nia atubele proteje labarik sira mak hasoru dezafiu bo'ot. Halo tuir Fundu Labarik NU nian, labarik barak hatudu sinál "stress", inklui aumenta hahalok agresivu, sees husi vida sosiál no susar toba.

Akontesimentu abuzu ba labarik, inklui abuzu seksual, mak relata rua hotu iha fatin IDP sira nia laran no liur. Absénsia UEV iha Polisia Dili halo kontribuisaun ba problema ida ne'e.

Reportajem (notifikasiasaun) menus ba abuzu labarik nian no violénsia bazeia ba jenéru mak hela problema ida ona molok ba krise no ho sistema referral no reportajem monu labele la'o lo'os, aumenta possibilidade katak kazu atuál mak barak liu fali sira ne'ebé informa tiha ona. Liutiha krise 2006 mosu katak kazu hirak ne'ebé relata tiha mak menus signifikativu.

Trafigu Umanu

Lei Imigrasaun no Asílu 2003 mak halo bandu trafigu feto no labarik, se karik ba prostituisaun ka trabalho obrigatoriu; maibé, iha tinan balu foin liubá iha aumenta reportajem konaba feto no feto labarik ne'ebé mak -trafigu tama ba rai-laran ba prostituisaun. Liutan, iha tinan nia laran aumenta hanoin-barak katak rai-Timor-Leste sai tarjet ida nudar rai fonte ba trafigu umanu.

Iha tinan 2004, ONG lokál ida hala'o tiha estudu linha baze ba trafigu umanu no industria seksu no halo estimasaun katak iha to'o ema servisu seksu na'in 115 iha capital laran ne'ebé bele vítima ba trafigu. Fatin balu iha capital mak konhesidu nudar operasaun seksu komérsiu no suspeita involve iha trafigu. Maske laiha estudu tan foim daudauk, fonte ne'ebé bele fiar, halo estimasaun katak númeru estranjeiru vítima ba trafigu hela maizumenus hanesan. Iha tinan nia laran trafigu doméstiku mak komesa sai hanoin-barak bo'ot liu, ho númeru sidadaun ne'ebé esplora nudar ema servisu seksu aumenta. Vítima ba trafigu iha rai-laran maizumenus esklusivu servisu iha laran industria seksu. Relatório konaba trafigu ba trabalho-obrigatóriu mak ladauk identifika.

Bainhira polisia halo asaun tama ba fatin servisu seksu no buti isin iha Dili laran durante tinan nia laran, iha relatório kredivél katak ofisial polisia no imigrasaun sira halo koluzau hamutuk ho fatin hirak ne'e ka hamutuk ho sira ne'ebé lori feto estranjeiru tama ba rai-laran atu servisu iha fatin nia laran. Iha fulan Maiu 2006, UEV Dili, ne'ebé lori responsabilidade primáriu atu halo investigasaun ba kazu trafigu, para la funsiona hamutuk ho PNTL tomak bazeia iha Dili no to'o iha tinan nia ikus ladauk hamri'ik fali. UEV agora daudaun hala'o operasaun iha okos Departamentu Investigasaun ho matadalan liu husi UNPOL sira.

Maske rai ida ne'e uluk la uza hanesan fonte ba vítima trafigu, iha evidénsia iha tinan nia laran katak nia sai tarjet ida. Iha tinan nia oin, nasionál Syria ida no nasionál Nigéria ida mak ka'er prende iha fronteira rai-maran entre Timor-Leste no Indonézia tanba koko halo trafigu feto Timor-oan ne'ebé ho fiar atu trafigu ba NASAUN Syria. Maibé, suspeita sira mak fó-sai atu la'o livre tuir tempu badak de'it liutiha prende sira, maibé vítima sira mak hetan fatin atubele fila ba sira nia hela fatin. Jeralmente analizas mak katak planu sira nian mak atu obriga feto sira atu tama ba prostituisaun iha rai-liur.

Iha ignorânsia luan konaba asuntu trafigu. Vítima ba trafigu hatudu katak sira ladún hatene sira nia direitu nomos la hatene sir abele halo kontatu ho sésé atubele buka tulun. Polisia sira hela ladún informadu konaba natureza trafigu, oinsá atubele rekohese bainhira mosu, nomos kona ba oinsá atubele trata kazu hanesan ne'e. Vítima potensiál ba trafigu iha rai-laran mak la konsiente konaba risku ne'ebé hasoru se karik simu oferta atu servisu iha rai-liur.

Gabinete prokuradór jerál nian hahú tinan agora hala'o programa governu hanesan kampanha edukasaun anti-trafigu, no governu sira fó suporta finanseiru ki'ik ba programa anti-trafigu ho assisténsia husi ONG lokál sira. Governu sira halo kooperasaun hamutuk ho programa ONG no internasionál sira. Iha tinan 2005 autoridade NU nian no governu hari'i tiha grupu servisu ida ho ukun husi Organizasaun ba Migrasaun Internasionál atubele halo monitorizasaun no kontrolu ba trafigu. Fundasaun Alola, ONG ida ne'ebé Premeira Feto Kirsty Sword Gusmão mak ukun, hafó assisténsia ba feto vítima ba trafigu no fó konselhu governu konaba asuntu ho relasaun ba trafigu.

Ema ho Defisiensia

Maske konstituisaun proteje direitus ba ema ho defisiensia, governu seidauk halo lejislausaun ka halo mandate seluk tan atu haree ba asesu ba uma edifísiu ba ema ho defisiensia, no lei mos seidauk halo bandu diskriminasaun hasoru ema tanba defisiensia. Laiha relatório konaba diskriminasaun hasoru ema ho defisiensia iha empregamento, edukasaun ka provizaun servisu husi estadu seluk tan; maibé, distritu barak, labarik sira ho defisiensia labele tama ba eskola tanba problema asesu fiziku. Inisiativu treinamentu no vokasional la hasoru rezolve nesesidade ema ne'ebé ho defisiensia. Iha tinan nia laran ema balu ho defisiensia mental hasoru tratamentu diskriminatóriu ka degradente husi parte ida tanba falta rekursu tratamentu apropriadu ka falta referral ba rekursus ne'ebé iha tiha ona.

Minoridade Nasional/Racial/Etnic

Tensaun entre ema husi distritu loro-sa'e nian no ema husi distritu loro-monu nian nafatin hela elementu bo'ot husi krise nasional Abril no Maiu 2006 nian to'o agora, maske tensaun ne'e la mosu to'o iha nivel a'as hanesan haree iha laran períodu ida ne'e. Tuir ístoria, iha duni tensaun rumo entre loro-sa'e no loro-monu sira, maibé hela hanesan bu'at ne'ebé halo isin-katar, la'os hanesan asuntu bo'ot ida. Divizaun jeográfiku hirak ne'e hamosu nudar faktór define bainhira krise mak halo impaktu ba capital, no to'o iha tinan nia ikus, fatin komunidade barak hasoru segregasaun atuál. Kauzu ne'ebé iha involve dinamiku iha laran instituisaun seguransa nian, presaun sosioekonomiku iha capital nia laran, pontu da vista la hanesan konaba knar grupu oinoin nian iha luta ba independénsia, nomos divizaun politiku ne'ebé aumenta sai fali moruk liu nafatin.

Krise 2006 hahú ho reklame liu husi soldadu atus ba atus katak sira hetan desavantajem tanba sira nia identidade loro-monu. Loro-monu sira mak konta maioridade populasaun iha Dili laran, no sira barak haree asosiasaun ba populasaun loro-sa'e nia liga ho intervensaun F-FDTL nian iha loron 28-29 Abril iha tinan ne'e nia laran. Violénsia no divizaun halo impaktu ba komunidade hotu hotu, maibé populasaun loro-sa'e nian iha Dili laran lori todan bo'ot liu bainhira krise la'o ba oin. Ema loro-sa'e rihun ba rihun mak hetan deslokasaun husi sira nia uma tanba tauk violénsia, barak hetan sira nia uma sunu, no barak hetan ataka se karik sira lakohi husik sira nia uma ka koko atu fila fali ba.

To'o iha 2006 nia ikus, dinamiku lorosae hasoru loromonu mak hamenus ona hanesan elementu bo'ot iha kotuk konflitu iha Dili laran, ho mudansa hanesan aumenta konflitus entre grupu arte marsiál ne'ebé hadau-malu. Maibé, fatin barak iha Dili laran hela fahe-malu no observadór balu sira fier uluk katak redusaun ba violénsia lorosae/loromonu mak rezultadu husi prosesu fahe-malu hela ketaketak ne'ebé la'o to nia rohan.

Relasaun hela jeralmente di'ak entre maioridade étnica no membru husi grupu étnico ki'ik; maibé, iha relatório dalaruma konaba diskriminasaun hasoru étnico Xina (ne'ebé forma menus liu fali persentu 1 husi populasaun tomak) no ema Islam étnico Malayu.

Seksaun 6 Direitu Trabalhadór nian

a. Direitu ba Asosiasaun

Rai-Timor-Leste iha kodigu trabalho ida bazeia ba padraun Organizasaun Trabalho Internasional. Lei ne'e fó fatin ba servisu-na'in atubele forma no tama sai membru ba organizasaun servisu na'in sira nian lahó autorizaun ulukliu. Uniaun sir abele halo sira nia konstituisaun no regra rasik no bele hili sira nia reprezentante rasik.; maibé, haka'as-an atubele organiza trabalhadór sira mak la'o neineik tanba esperiénsia menus no faltaabilidade organizasional. Iha tinan 2004 governu sira hari'i prosedimentu rejistrasaun ofisial ba uniaun servisu-na'in no organizasaun kontratu-na'in sira nian.

Lei Imigrasaun no Asílu 2003 mak halo bandu ema estranjeiru husi partisipasaun iha administrasaun uniaun servisu-na'in sira nian.

b. Direitu atu Organiza no halo Negósiu nudar Koletivu ida

Bainhira halo negósiu koletivu mak permisivél iha lei nia okos, servisu-na'in sira jeralmente iha esperiénsia ki'ik atu halo negósiu kontratu, promove servisu-na'in sira nia direitu, ka halo parte iha negosiasaun koletivu.

Lei hafó direitu atubele halo greve, maibé servisu-na'in uitoan de'it mak ezerta direitu ida ne'e iha tinan nia laran.

GTL hahú prosesu hamutuk ho Maior Alfredo Reinado no petisionáriu sira na'in 600 ne'ebé halo greve husi Fevereiru sedu to'o iha Marzu 2006 tanba kondisaun servisu no alegasaun diskriminasaun (haree ba seksaun 5). Iha loron 16 Marzu, 2006, sira mak despede husi F-FDTL tanba absénsia króniku lahó autorizasaun liutiha sira rekuza ordem atu hakotu greve no fila ba sira nia kuartél. Haksesuk malu ne'ebé hela iha problema ne'e nia okos no atividade ne'ebé tuir mai husi grupu hirak ne'e hela faktór importante iha tensaun no disturbánsia sivil ne'ebé tuir.

GTL deklara tiha ona katak hari'i fali dialogu ne'e mak hela prioridade ida nomos katak sira antisipa rezolusaun ida to'o iha tinan nia ikus.

Laiha zona prosesa esporta nian.

c. Proibisaun ba Trabalho Força ka Obrigatóriu

Regulamentu governu nian halo bandu trabalho forsa ka obrigatóriu, inklui liu husi labarik sira, no prática hirak hanesan ne'e ladún konhesidu hanesan mosu iha rai-laran.

d. Proibisaun ba Trabalho Labarik no Idade Minimu ba Empregamento

Kodigu trabalho maizumenus halo bandu labarik sira idade menus 18 atu labele servisu; maibé, iha sirkunstânsia iha okos ne'ebé labarik entre idade 15 no 18 bele halo servisu, no iha mos exesaun exesonál ba labarik idade menus tinan 15. Idade minimu la aplika ba komérsiu ne'ebé familia ida mak na'in, no labarik barak halo servisu iha sector agrikultura. Trabalho labarik iha sector non-formal hela nafatin problema bo'ot. Tuir prática, kapasidade atu implementa kodigu trabalho iha Dili nia liur mak limitadu.

e. Kondisaun Servisu Aseitavél

Kodigu trabalho la halo estipulasaun ba saláriu minimu ida; maibé, kontratu-na'in jeralmente uza, no empregadu sira antisipa atu hetan saláriu \$85 (dolár US mak rai nia osan ofisial) kada fulan nudar padraun minimu. Hira ne'e mak hafó padraun moris baziku ba servisu-na'in no familia sira. Kodigu trabalho hafó ba semana servisu padraun hanesan oras 40, no benefísiu normal hanesan oras liu servisu no feriadu, nomos padraun minimu ba servisu-na'in nia saudé no seguransa. Diretoria Trabalho Nasional no Diretoria Relasaun Trabalho eziste, no laiha restrisaun konaba direitu servisu-na'in sira nia atubele halo kesar no buka kompensasaun. Servisu-na'in sira iha direitu atubele sees an husi kondisaun perigosu lahó prejuízo ba sira nia empregamento; maibé, la hela klaru se karik sir abele uza duni direitu hanesan ne'e tuir prática atuál.